



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Sacrum Oratorium Piarum Imaginum Immaculatæ Mariæ Et Animæ Creatæ Ac Baptismo, Poenitentia Et Eucharistia Innovatæ: Ars Nova Bene Vivendi Et Moriendi**

**Bivero, Pedro de**

**Antverpiæ, 1634**

De nouem Festis Immaculatæ Mariæ, & animæ vsu sacri Baptismi  
innouatæ, triumphantis cum Maria de peccato originis, & eius pœnis, & in  
eius cultum dicentis Angelicam Salvationem.

[urn:nbn:de:hbz:466:1-47965](https://nbn-resolving.org/urn:nbn:de:hbz:466:1-47965)

fiunt in cap. 2. Lucae loquentem: Sicut peccatum à mulieribus cœpit, ita etiam à mulieribus bonum inchoatur: ut femine quoque muliebria opera deponentes, infirmitati renuntiant; & anima quæ non habet sexum, ut MARIA quæ nescit errorem, religioso imitetur studio castitatis. Casta & pura redditur, ut MARIA, anima Christiana, quæ tingitur & pingitur in sacrosancto Baptismo, confors facta Spiritus sancti, qui primam omnium illam formauit, & ad eius imitationem Christianos omnes reformauit. Christiane igitur cultor, de malo, de peccato hereditario & eius pœnis, in formam Marianam & simul imaginem innouate & instaure, virtute Spiritus sancti triumphate.

## BAPTISMVS


Ars noua benè viuendi & moriendi,  
figurata & illustrata.

Sit in Tabula mentis Christianæ prima omnium imaginum imago immaculatæ Conceptionis, forma Animæ sacro Baptismo innouatæ.



aromum  
Vine etc.  
VERA  
VII  
S

à mu-  
tur: m  
tati re-  
RIA  
s. Ca-  
tiana,  
imate,  
nium  
tianos  
e ma-  
rman  
taura-  
adi,  
nium  
onna  
MA-



IMAGO OCTAVA  
EXPLICATA.

**R**EX David, Princeps secundum cor Dei, cultor summi Creatoris, & artis bene viuendi amator, & æstimator ante creationem immaculatæ MARIÆ, nomine Dei Patris eam vocabat FILIAM. *Audi filia, & vide.* Videbat & ipse, ac recognoscebat in ea formam primæuæ virtutis ac probitatis. Hæc forma sanctitatis & iustitiæ, quæ ab orbe condito emicabat & refulgebat, conditur & editur non tamquam filia Eæ, sed Gratiæ, in cuius purissima Conceptione præscribit Ecclesia, quod lib. 2. ad Virgines scripsit Ambrosius. *Sit vobis tamquam in imagine descripta* Prima triumphatrix Maria concepta sine peccato, agit in Conceptione solemne de peccato triumphum. *virginitas, vitaque beatæ Mariæ. Hinc sumatis licet exempla viuendi, vbi tamquam in exemplari magisteria expressa probitatis, quid corrigere, quid effugere, quid tenere debetis, ostendunt.* Hinc noua viuendi ars principium sumit, sicut ars malè viuendi ab Eua habuit exordium.

Recessit à Deo Eua, non recessit MARIA. Cùm adhuc apud illam esset, accessit potius ad Deum, cui præsens fuit à mundi constitutione; & adest iam condita,

data, & ex sanctis parentibus edita, mundi restitutioni & reformationi prima post Christum. qui libro I. Reuelat. S. Birgittæ, agens cum Matre, ait: Tu fuisti sic dicitis Patri meo, quod ipse recepit te totam in Spiritum suum, & ulcedo tua super omnes placuit. Deus creauit illam in Spiritu sancto, & in Spiritum sanctum intromisit, ut in ipso tamquam in sacrario esset, essetque vicissim ipsa Spiritus sancti Sacrarium.

cap. 7, 22. Est enim in illa, ut ait Sapiens, spiritus intelligentie, sanctus, vnicus, multiplex, subtilis, disertus, mobilis, incoquinatus, certus, suauis, amans bonum, acutus, quem nihil vetat, benefaciens, humanus, benignus, stabilis, certus, securus, omnem habens virtutem, omnia prospiciens, & qui capiat omnes spiritus: intelligibilis, mundus, subtilis. Omnibus enim mobilibus mobilior est sapientia: attingit, autem, vbique propter suam munditiam. Hic Spiritus sanctus est, in quem Pater suum recepit filiam, que caput serpentis contriuit. Qui adheret Domino, vnus spiritus est. Vnus ergo spiritus cum Deo MARIA filia, vna columba. Vna est columba mea, perfecta mea, vna est matris sue, electa genitrici sue. Viderunt eam filie, & beatissimam predicauerunt; reginam & concubina, & laudauerunt eam. Quæ est ista, que progreditur, quasi aurora confurgens, pulchra ut luna, electa ut sol, terribilis ut castrorum acies ordinata?

1. Cor. 6,  
17.

Cant. 6, 8.

Postquam

Postquam generosa illa Iuditha caput Holofernis abstulit, scriptum legitur: *Erat autem diebus festis* <sup>Iudith. 16. 27.</sup> *procedens cum magna gloria.* Prima ac primaria Iuditha, quæ post partam de hoste victoriam gloriosissime triumphat, MARIA est, diebusq; solemnioribus & lætioribus, nouem scilicet Festiuitatibus, procedit ac progreditur magna cum gloria. Hæc singularis gloria filia Dei, vt IMMACVLATA sit. Quidni sit, quam Pater in Spiritum sanctum recepit? est enim in ea Spiritus intelligentiæ, contra omnem astutiam serpentis qui seduxit incautam Euam. Eua incauta & cæca, MARIA tota perspicax & oculata est. Satis benè Cyrillus lib. 6. in Ioan. cap. 25. *Omnes homines (excepto illo qui de homine natus est, & sacratissima etiam Virgine, ex qua Deus homo produit in mundum, exempta) cum peccato originali nascimur, & grauissima cecitate depressi in mundum venimus.* Tota oculata, & simul illuminata MARIA creata est in Spiritu sancto, qui mundus est & incoquinatus, & testimonium reddit quòd ipsa tota pura & immaculata procedat. Hæc Spiritu sancto ornata, & diuino eius testimonio munita comparet. Felix es sacra Virgo MARIA, & omni laude dignissima, intende, prosperè procede, & regna, faustis auspiciis progredere, mutans nomen Eua. AVE MARIA Primogenita Redem-

Redem-

Judith 15, Redemptoris, forma nostræ regenerationis. Tu honorificientia populi nostri.

## ADORATIO.

Ioan. 4, 24. Spiritus est Deus: & eos, qui adorant eum, in spiritu & veritate oportet adorare.

Ps. 95, 6. Venite adoremus, & procidamus ante Deum.

Nos autem populus eius,

in similitudinem immaculatæ Conceptionis.

Virtute sacri Baptismi anima Christiana mystica Maria sit, & cum Maria de peccato triumphat. **C**Hristus, teste Cyrillo lib. 2. in Ioan. cap. 3. non tam sibi, quàm nobis, columbam Spiritus sancti in fluuio Iordani accepit. Spiritus enim, qui à nobis propter peccatum deuolauit, cum nullum peccatum in eo intrinsecus, mansit in ipso. Nobis igitur in seipso accepit, & prisca nobis renouat bona. Hic idem Spiritus nullum peccatum reperit in MARIA, & mansit in ea, quæ prima proles populi Christiani est. Quæ immaculata MARIA, talis noua creatura, postquam cælesti lauacro illustrata & illuminata est. Unus est altissimus Creator omnipotens, & Rex potens, & metuendus nimis, sedens super thronum illius, & dominans Deus. Ipse creauit illam in Spiritu sancto. Ex hoc eodem Spiritu anima Christiana renascitur, cum Ioannis 3, 3. auferat



ferat Christus: Amen amen dico tibi, nisi quis renatus fuerit ex aqua & Spiritu sancto, non potest introire in regnum Dei. Quod enim natum est ex carne, caro est; & quod natum est ex Spiritu, spiritus est.

Quod si creata in Spiritu sancto MARIA, tota pura, tota immaculata est, tota munda & sancta refulget; pariter anima post susceptionem Baptismi, quemadmodum definitum est in Concilio Tridentino decret. de Peccat. orig. In renatis nihil odit Deus, quia nihil damnationis iis qui verè consepulti sunt cum CHRISTO per Baptisma in mortem, qui non secundum carnem ambulant, sed veterem hominem exuentes, & novum, qui secundum Deum creatus est, induentes, innocentes, immaculati, puri, innoxij, & Deo dilecti effecti sunt. Heredes quidem Dei, coheredes autem CHRISTI, ita ut nihil prorsus eos ab ingressu cali remoretur. Exemplar huius puritatis MARIAM Deus in Spiritu sancto creavit, & quidem nobis formavit. Ipse creavit illam in Spiritu sancto, & vidit, & dinumeravit, & mensus est. Et effudit illam super omnia opera sua, & super omnem carnem secundum datum suum, & praebeuit illam diligentibus se imitandam, adorandam, salutandam, quam salutavit Angelus Ave.

Luc. 1, 28.

Accedit Ecclesia: Symens illud Ave Gabrielis ab ore, funda nos in pace, mutans Eua nomen. Mutata est Eua

K in

in MARIAM, coruus scilicet in columbam, de qua  
 cap.8. Speculi asserit Bonaventura: MARIA fidelissi-  
 ma mediatrix salutis, veluti fidelissima columbâ inter sum-  
 mum Noë, & mundem spiritali diluuiò submersum. Eua  
 velut coruus in diluuiò infidelissima, fuit mediatrix perdi-  
 tionis. Benè & satis benè Bernardus Serm. de verbis  
 Apocalypsis: Sic nimirum clementissimus & prudentissi-  
 mus Artifex, quod quassatum erat non confregit, sed  
 melius omnino refecit, vt videlicet ex nobis nouum formaret  
 Adam ex veteri, & Eua transfunderet in MARIAM.  
 Benè & satis benè in Salutat. Angelicam Andreas  
 Cretensis: Gaude terra virginea, ex qua nouus Adam  
 formatur, qui veterem Adam seruet. Gaude speculum, per  
 quod iustitia Solem venientem è calò suspicientes ij, qui den-  
 sis in tenebris peccati versabantur, illustrati sunt. Acco-  
 dit Cyrillus lib.13. contra Hereticos, cap.3. Deus per  
 Spiritum sanctum renouat creaturas ad se ipsum; & sicut  
 luminis illuminatio opus est, sic & Spiritus sancti opus est  
 in Deo per gratiam reformare participes suos. Quod vti-  
 que fit in Baptismo; ita vt meritò cum sancto Dio-  
 nysio Arcopagita Eccles. Hierarchiæ cap.1. §.4. iuxta  
 Cordetij nostri interpretationem, dicere possimus,  
 Dei principalem beatitudinem, quæ naturâ deitas est, &  
 principium deificationis, ex quo ij qui deificandi sunt,  
 deificentur, diuina bonitate sacrum ordinem [seu Sacra-  
 mentum]

mentum hoc] in salutem & deificationem nostram concessisse.

## ATTENTIO

Attende, & audi. Deut. 27, 9.

Attende tibi, hoc est imagini quam à Christo accepisti. S. Ambrosius lib. 3. de Viduis, p. 3.

**F**actus est primus homo Adam in animam viventem, nouissimus Adam in spiritum viuificantem. Sed non prius quod spiritale est, sed quod animale; deinde quod spiritale. Primus homo de terra, terrenus: secundus homo de calo, celestis. Qualis terrenus, tales & terreni: & qualis celestis, tales & caelestes. Igitur, sicut portauimus imaginem terreni, portemus & imaginem celestis. Sanctus Paulus 1. Corinth. 15, 45.

Sanctus Cyrillus lib. 2. in Ioan. cap. 3. Quoniam primus Adam libertate sua non bonum, vt debuit, sed malum, vt diximus, elegit; atque ideò morti addictus, Spiritum sanctum amiserat, qui malignus, vt scribitur, fugit, neque habitat in corpore peccatis subiecto; de calo nobis secundum Adam misericordia Dei misit. Accepisti itaque fumosam Adami terreni imaginem, cum ex ipso generatus es; regeneratus verò in Spiritu sancto, CHRISTI splen-

splendidam formam & effigiem recepisti, qualis in  
 MARIA apparet, & qualem describit eam Chry-  
 sostomus Homil. ad Baptizand. *Ut statuam auri me-  
 tallo confectam, aequanti temporis metis fumo & puluere,  
 & eruginis sordibus coinquinatam, cum artificis manus ac-  
 ceperint, reuocauit fornacis ardore, & splendidam nobis  
 lucidamque demonstrant; ita & nostram naturam Deo  
 eruginatam mole peccati, & malorum gestorum fumo rui-  
 latam, & omni pulchritudine, quam primò ei donauerat,  
 amudatam, in illos aquarum fontes tamquam in purgato-  
 rium mittit, & pro flamma, Spiritus gratiam submini-  
 strat, & exinde Solis radiis eleuat clarius lucentem, ve-  
 terem hominem conterens, nouum autem ostendens longe  
 meliorem.*

Accedit D. Chrysostomo Cyrillus lib. II. in Ioan.  
 c. 15. *Quomadmum terrestris Adæ imago peccato, & sor-  
 dibus, infirmitate voluptateque carnis, interitu ac denique  
 morte cognoscitur; sic celestis Adæ imago vita, incorruptibi-  
 litate, & sanctificatione, ceterisque huiusmodi perspicitur.  
 Non erat autem possibile, ad pulchritudinem nos pristinam  
 reduci, cum simul reformati fuerimus, nisi Deo coniunge-  
 remur. Sic enim ab initio fueramus decorati) coniungi ve-  
 rò Deo nemo aliter quàm Spiritus sancti participatione po-  
 test, propriam nobis satisfactionem immittentis, & ad  
 uitam suam interitui subiectam naturam hominum refor-  
 mantis.*

mantis. Imago enim sincera Patris Filius est, naturalis autem similitudo Filij Spiritus sanctus & creditur & est. Idcirco cum in se animam hominis reformat, diuinam in eo imaginem imprimit.

Hoc priuilegium immaculatæ MARIÆ, hoc quoque beneficium & indultum Christianorum est. Rursus Cyrillus lib. i. contra Hæretic. cap. i. Sicut enim, inquit Apostolus, induimus imaginem terrestris, induamus & imaginem celestis. Terrestrem hominem, appellat primum omnium hominum, cuius imaginem induimus in similitudinem prauaricationis eius ad mortem, atque corruptionem impulsus: celestem autem, vocat Dominum nostrum IESUM CHRISTVM, cuius imaginem, hoc est viuificantem Spiritum, si acceperimus, ad ipsum Dei verbum reformamur, & ad incorruptionem reducimur, in æternam vitam renouati.

Impressa animæ figura immaculatæ

MARIÆ.

**R**itè ac rectè monet Ambrosius c. 2. Lucæ. Sit in singulis MARIÆ anima, vt magnificet Dominum. Sit in singulis spiritus MARIÆ, vt exultet in Deo. Magnificet Dominum, qui hostem communem occidit, & nouam creaturam mysticam, nempe MARIAM,

K 3

RIAM,

RIAM, tinctam aqua lustrali, crexit. Exultet in Deo procedens cum magna gloria, & particeps facta mysterij & priuilegij MARIÆ immaculatæ, quasi modo ipsa genita, tota pura & munda, de culpa originali triumphet. Non solum per similitudinem cultus & morum Christiana anima cum MARIA triumphum agat, sed etiam eandem ipsam in se imprimat & exprimat, quemadmodum cera figuram annuli impressam recipit, & reddit expressam. hoc enim est habere in se animam & spiritum Virginis immaculatæ.

Luc. 1, 28.

GRATIA PLENA.

Sit in Tabula cordis imago Natiuitatis immaculatæ MARIÆ, de nuditate prima triumphantis, exemplar Christianæ animæ agentis MARIANVM triumphum.

Respice, & fac secundum exemplar secundi Festi & triumphu MARIANÆ.

IMA-




n Deo  
a my-  
quali  
culpa  
inem  
RIA  
in se  
figu-  
flam:  
Vir-

laci-  
neis,  
NVM  
Festi

IA-

atolum  
Natus est  
IVERA  
VII





IMAGQ NONA  
EXPLICATA.

**M**AGNUM ornamentum lex iustitiæ est, Prima de parentum nuditate in sua Natiuitate foliæ legis a legis Maria-rium-phum. qua induti primi parentes, ornatu vestium externo non indigebant. Vestem legalis iustitiæ turpiter abiecerunt, & nudos se esse deprehenderunt. *Et aperti sunt oculi amborum: cumque cognouissent se esse nudos, consuerunt folia ficus, & fecerunt sibi perizomata.* Ex legis violatione nuditatem prouenisse, ostendit Deus, cum Adamum reprehenderet: *Quis enim indicauit tibi, quod nudus es, nisi quod ex ligno de quo præceperam tibi ne comederes, comediisti?* Heredes culpæ sumus mortales omnes, sumus etiam nuditatis heredes. Nudos nos generat mater, nudos effundit, effudit & Iobum, qui miseriam suam deplorans aiebat: *Nudus egressus sum de utero matris meæ.* Iob 1, 21. Egressus ex utero infans ideo sentit nuditatem, quia se iustitiæ lege, seque vestis gratiæ exiit. *Sicut enim mater, que habet infantem in ventre, preparat vestes puero, sic Deus preparauit legem, quem admodum traditum est lib. 1. Reuelationum S. Birgittæ, cap. 47.* Hac veste mystica indutus Christus ingreditur, & in primo ingressu dicit: *In capite libri* pt. 39, 8.

L scri-

scriptum est de me, ut facerem voluntatem tuam: Deus meus volui, & legem tuam in medio cordis mei.

Consonat sibi CHRISTVS, cum de se apud Be-gittam tēitatur, Ego autem me vestiui & inuolui in vestibus legis. Ad formam CHRISTI MARIA vesti-bus legis induta & inuoluta egreditur de utero An-næ, egreditur pannis & pennis Spiritus sancti orna-ta, est enim in illa Spiritus intelligentia sanctus, virtus  
 Sap. 7, 22. cuius gratia plena, statim ab ortu suo comparet. In-  
 Judith 16, 27. ditha, quæ caput Holofernis abstulit, erat diebus ju-  
 stis procedens cum magna gloria. Procedit & infans M A R I A, quæ caput serpentis contriuit, tota glo-riosa & gratiosa. Quæ est ista quæ progreditur? Ista est cui dixerat Filius Dei: Tu fuisti sic dulcis Patri meo, quòd ipse recepit te totam in Spiritum suum. Ista est, de  
 Cant. 6, 8. qua Spiritus sanctus affirmat: Una est columba mea, perfecta mea, vna est matris suæ, electa genitrici suæ. Ita proles Annæ, filia gratiæ, GRATIA PLENA, Pri-mogenita Redemptoris, forma nostræ regeneratio-  
 Judith 15, 10. nis, et honorificentia populi nostri.

## ADORATIO.

*Spiritus est Deus: & eos, qui adorant eum, in spiritu & veritate oportet adorare.* Ioan. 4. 24.

*Venite adoremus, & procidamus ante Deum.* Psal. 94. 61.

*Nos autem populus eius,*

*in similitudinem immaculatæ Natiuitatis.*

**S**ANCTA & immaculata MARI A pennis Spiritus Sancti ornata, comparet in mundo nata, in cuius elogium lib. 3. Hæresi 78. asserit Epiphanius: *Eua datum est operire corpus sensibile, propter nuditatem sensibilem; MARIAE vero datum est à Deo, ut pareret nobis Agnum, & ex gloria ipsius Agni fieret nobis, velut à vellere sapientia, per virtutem ipsius, indumentum incorruptibilitatis.* Hæc est, quæ lib. 1. Reuelationum cap. 7. docet Birgittam suam, quibus vestibibus Eua nuditatem tegat & operiat. *Tu debes esse ornata honestissimis vestibibus, quæ & quales esse debeant monstrabo. Voluntas scilicet euitandi commissa, & voluntas faciendi bona, calcei duo sunt. Tunica tua, est spes ad Deum; quia sicut tunica habet duas manicas, sic in te sit iustitia & misericordia. Pallium est fides: hoc pallium debet esse respersum signis charitatis sponsi tui; quomodo scilicet creauit te, quomo-*

L 2 do

do redemit, quomodo enutriuit, & induxit te in Spiritum suum.

Qualis MARIA, talis & anima inducta in Spiritum sanctum, talos & nos cum tingimur aqua lustrali, & caelestis Adami induimur sacram imaginem, quae inducta in Spiritum sanctum, liberatur à nuditate, quam primum crimen inuexit, induit gratiam & iustitiam, dicitq; apud Isaiam cap. 61. 10. *Gaudens gaudebo in Domino, & exultabit anima mea in Deo meo: quia induit me vestimentis salutis, & indumento iustitiae circumdedit me.* Penae Spiritus sancti iustitia & gratia fuit, & hoc ipsum indumentum, & pariter ornamentum, cupiebat in Christianis Apostolus, cum scriberet ad Ephesios: *Renouamini spiritu mentis vestrae, & induite nouum hominem, qui secundum Deum creatus est.* Caelestis hic renascentium habitus est per vestem candidam, quam in Baptismo induimus, designatus, cuius meminit Dionysius Areopagita de Ecclesiast. Hierarch. cap. 2. Part. 3. §. 8. dicens: *Candidis deinde vestimentis induunt initiati: virili enim ac dei formi prauorum affectuum vacuitate, non inuenta in vnum animi affectione, tam id quod ornatum carebat, ornatur, quam id quod deforme erat, pulchrum efficitur, cum illustri omnino vita splendescit.* Hic splendor filiorum Dei est, qui non ex sanguinibus, neque ex voluntate

Ephes. 4.  
23.

Ioan. 1, 13.

libertate carnis, neque ex voluntate viri, sed ex Deo nati sunt. Quam sint liberi à nuditate Adami, vel ex hoc perspici potest, quod in hunc locum Ioannis asserit Cyrillus Alexandrinus: *Qui fide Christi in adoptionem filiorum vocati sunt, humilitatem naturæ suæ deposuerunt, & honorantis Christi gratia, quasi splendida induti purpura, ad supernaturalem dignitatem ascendunt: non enim carnis, sed Filij Dei adoptione facti sunt.*

Rursus Cyrillus lib. 11. in Ioannem cap. 25. *Renouari ergo, ac reformari quodammodo ad imaginem primam, participatione Spiritus, naturam hominis, rogat Christus, ut primam illam gratiam induti, peccatum, quod in mundo regnat, superare possimus, charitati diuinæ inhaerentes, & virtuti toto animo studentes: ut, carnis lege superata, pulchritudinem immisse nobis imaginis inuiolatam seruemus. Hac est Christianæ religionis virtus. Facessat igitur, facessat è renatis pœna antiquæ nuditatis, cum firmum & stabile sit decretum Concilij Tridentini: In renatis nihil odit Deus, quia nihil damnationis iis qui verè consepulti sunt cum Christo per Baptisma in mortem, qui non secundum carnem ambulant, sed veterem hominem exuentes, & nouum, qui secundum Deum creatus est, induentes, innocentes, immaculati, puri, innoxij, & Deo dilecti effecti sunt. Dilecti Deo effecti sunt per gratiam sacri Baptismi, qua plena MARIA est, & de eius ple-*

nititudine omnes accepimus. Huc pertinet oratio Anselmi de Excellentia Virginis cap. 12. Rogamus te, Domine, per ipsam gratiam qua te pius & omnipotens Deus exaltauit, & omnia tibi secum possibilia esse donauit, quantum id apud ipsum nobis impetres & obtineas, ut plenitudo gratiae, quam meruisti, in nobis sic operetur, qui participium beati praemij nobis misericorditer quandoque donetur.

## ATTENTIO.

Attende, & audi. Deut. 27, 9.

Attende tibi, hoc est imagini quam à Christo accepisti. S. Ambrosius lib. 3. de Viduis, p. 3.

**P**rimus homo de terra, terrenus: secundus homo de caelo, caelestis. Qualis terrenus, tales & terreni: & qualis caelestis, tales & caelestes. Igitur, sicut portauimus imaginem terreni, portemus & imaginem caelestis. Paulus I. Corinth. 15, 47.

Cum natus in mundo fuisti, Adami nudi, & spoliati vestibus iustitiae & gratiae, portans imaginem, ex utero matris tuae totus nudus produisti; renatus vero ex Spiritu sancto, Christi imaginem accepisti, vestitam & ornatam gratiis & donis ipsius Spiritus sancti.

sancti. Sic ornatus; sic indutus, mundum ingressus est Christus, iuxta oraculum Isaia: *Et requiescet super eum Spiritus Domini; spiritus sapientia, & intellectus, spiritus consilij, & fortitudinis, spiritus scientia, & pietatis, & replebit eum spiritus timoris Domini.* Horum autem donorum Christus per Baptismum nos participes effecit, ut S. Dionysius Ecclesiast. Hierarch. cap. 2. Part. 3. §. 2. tradit. *Nam mentis quidem nostrae, inquit, obscuritatem beato divinoque lumine replevit, deformitatemque nostram deiformibus ornamentis illustravit; animi autem domicilium cum perfecta salute essentia naturaeque nostrae, quae ferme collapsa erat & conciderat, foedissimis quibusque passionibus atque inquinamentis noxiis liberavit, demonstratam nobis supermundialis anagogae ac divinae vitae normam, per quam ad sacras eius similitudines, quoad eius fieri potest, evocamur.*

Hoc ornamentum, hoc indumentum, Christianum simul ac Marianum est, quod veteris Adami nuditatem tegit & operit. Ac proinde Nazianzenus, cum Orat. in sanctum Baptisma variis ac diversis titulis illud exornasset; Baptismum appellat *indumentum*, ex eo maxime, quia *ignominiae nostrae velamen est.* Velat & tollit simul ignominiam Adami, qui cum se nudum deprehendisset, ad folia ficus recurrit, nec suae nuditati succurrit. Accessit Deus, & pro foliis pelles

pelles dedit, quibus Adamus indutus, similiis Christo comparuit. *Ecce Adam quasi vnus ex nobis factus est,* Gen. 3, 22. Deus ait. Qui renascitur ex Spiritu sancto, Christum induit, & ornamento gratiæ similis ei efficitur. Similis quoque operibus reddatur & efficiatur, vt voto & officio nouæ suæ natiuitatis respondeat.

Impressa animæ figura immaculatæ  
MARIÆ.

**S**it in singulis renatis animæ nascentis immaculatæ MARIÆ, vt magnificet Dominum: sit in singulis spiritus Mariæ, vt exultet in Deo. Magnificet itaque Dominum, qui ad sacri Baptismatis gratiam eam vocauit, indumentisque iustitiæ eam ornauit: exultet in Deo, procedens cum magna gloria, de primâ nuditate agens solennem triumphum.

Luc. 1, 28.

DOMINVS TECVM.

Sit in Tabula cordis imago Præsentationis immaculatæ MARIÆ, de prima fuga triumphantis, exemplar nouæ creaturæ ad Deum per Baptismum accedentis.

Respice, & fac secundum exemplar tertij Festi & triumpho Mariani.

IMA-






M

atopium  
Marie etc.  
IVERA  
VH

Chri  
ius est,  
atum  
r. Si  
ut ve  
  
cula  
fit in  
agni  
gra  
m or  
loria,  
.  
  
ma  
antis,  
um  
  
ti &  
  
MA-



IMAGO DECIMA  
EXPLICATA.

**P**RIMVS Adamus & pudibunda Eua, Prima Maria de fuga Adami solemnem in resurrectione triumphavit. Gen. 3, 8.  
cùm primùm nudos esse se deprehenderunt, commiserunt se fugæ statim, ne in manus Dei inciderent. Fatetur Adamus.

*Et cùm audissent vocem Domini Dei ambulantis in paradiso ad auram post meridiem, abscondit se Adam & uxor eius à facie Domini Dei in medio ligni paradisi. Vocauitque Dominus Deus Adam, & dixit ei: Ubi es? Qui ait: Vocem tuam audiui in paradiso: & timui eò quòd nudus essem, & abscondi me. Fugauit culpa parentes; nec culpa sine fuga est, cùm à Deo auertat reum. Cùm totum genus humanum arriperet turpem fugam, sola MARIÀ perstitit iuncta & fixa Deo, quoniam sola immunis à culpa fuit, idcirco de se dicit lib. I. Revelationum S. Birgittæ, cap. 42. Deitas conclusit me in se cum anima & corpore, & impleuit me virtute, & non sit virtus in Deo, quæ non splendeat in me.*

Conclusa est Deitate Spiritus sancti MARIÀ, nec datus est locus fugæ. Longè ab illa est, quæ cùm esset adhuc trima, venit in templum, euecta Spiritus sancti pennis; & prætergressa infantilis suæ ætatis

tis conditionem, instituit religiosam vitam, quae  
 parentibus Deum praefert, & ipsa praetulit. Felices  
 Ioachimus & Anna, qui charissimam filiam Deo  
 opt. max. vouent: felix proles, quae ostendit non  
 esse se de numero filiarum Euae, quae post primum  
 peccatum fugam in paradiso arripuerunt. Non arri-  
 puit illa fugam, quae firma Deo adhaesit, & ita ad-  
 haesit, ut dixerit ipsa de se lib. 3. Revelationum S. Bir-  
 gitta cap. 8. *Ego sum illa, quae ab aeterno in charitate fui,*  
*& ab infantia mea Spiritus sanctus perfecte erat, mecum.*  
 Luc. 1, 28. inquam, cui Angelus Gabriel ait, **DOMINVS TE-**  
**CV M.** Haec prima Spiritus sancti sponsa, forma no-  
 Iudith 15, strae regenerationis, *honorificentia populi nostri.*  
 10.

## ADORATIO.

Ioan. 4, 23. *Spiritus est Deus: & eos qui adorant eum, in*  
*spiritu & veritate oportet adorare.*

Pf. 94, 6. *Venite adoremus, & procidamus ante Deum.*

*Nos autem populus eius,*  
 in similitudinem immaculatae Praesentationis.

*Anima in  
 sacro Ba-  
 ptismatis  
 fonte de su-  
 ga trium-  
 phat.*

**D**Vcitur in templum immaculata MARIA, cu-  
 ius sanctam oblationem Ioachimus simul &  
 Anna Deo faciunt, & praesentant. Non tam ista a  
 sanctis

sanctis parentibus ducitur, quàm ab ipso Spiritu sancto, cuius chara sponsa est, & cui dicit Cantic. 2. *Surge amica mea, sponsa mea, & veni, columba mea, in foraminibus petrae, in caverna maceriae.* Sacramentum hoc magnum & mirabile est; ego autem dico in Spiritu sancto, & immaculata MARIA, *Venite adoremus, & procidamus ante eam,* quæ fert & præfert in se Christianæ professionis normam & formam, cuius dat Baptisma principium.

Sanctus Dionysius Ecclesiast. Hierarch. cap. 2. Parte 2. pulchrè describit ritum quo baptizandus, per patrinum, non secus ac B. VIRGO à parentibus in templo præsentetur, interprete Corderio nostro sic dicens: *Quisquis autem horum munerum verè supermundialium sanctè particeps esse cupit, accedens quemdam sacris initiatum, flagitat ab eo ad sacrorum præsidem manuduci, nec non integrè cunctis sanctionibus obsequi pollicetur, rogatque, suæ cùm admissionis, tum totius exinde vitæ curam suscipere ne recuset, &c.* Quibus Parte 3. §. 4. hæc adiungit: *Sic adductum, diuinæ beatitudo ad sui admittit communicationem, propriæque lucis, instar signi cuiusdam, ipsum participat, Deo intimum reddens, ac consortem munerum diuinorum, atque ordinis sacri, quorum sacra tessera est summi Sacerdotis accedenti datum signaculum, nec non salutaris descriptio Sacerdotum, saluandis eum aggregans,*

atque sacris inserens monumentis vnâ cum susceptore, tanquam salutifera ad veritatem via; illum quidem amantem sincerum ac comitem ductoris diuini; hunc vero, minime errabundum diuinitus traditis institutionibus sequendis manuuctorem.

Quapropter Ambrosius libro de Iis qui mysteriis initiantur, prope initium, mysticam quamdam esse præsentationem in susceptione Baptismi, hominem renatum ex aqua & Spiritu sancto monet iis verbis: *Referata sunt tibi Sancta sanctorum, ingressus es regenerationis sacrarium. Repete quid interrogatus sis, recognosce quid responderis. Renuntiasti diabolo & operibus eius, mundo & luxuria, & eius voluptatibus. Tenetur enim tu non in tumulto mortuorum, sed in libro viuentium: vidisti illic Leuitam, vidisti Sacerdotem, vidisti summum Sacerdotem. Noli considerare corporum figuras, sed mysteriorum gratiam.*

Adiungo & aliud luculentum eiusdem Ambrosij testimonium lib. 4. de Sacram. cap. 1. *Erat in secundo tabernaculo manna, erant etiam virga Aaron, que aruit, & postea refloruit. Quod spectat hoc? Ut intelligatis, quod sit secundum tabernaculum, quod nos intrduxit Sacerdos, in quo semel in anno summus Sacerdos intrare consuevit, hoc est, ad Baptisterium, tibi virga Aaron floruit. Antea arida erat, postea refloruit. Et tu aridus eras, & cepisti*

in fonte irriguo reflorescere. Arueras peccatis, arueras erroribus atque delictis, sed fructum iam ferre cepisti, plantatus secus decursus aquarum. Sed forte dicas: Quid hoc ad populum, si virga Sacerdotis aruerat, & residuit? Populus ipse, quis est nisi sacerdotalis? quibus dictum est, Vos 1. Pet. 2, 9. autem genus electum, regale sacerdotium, gens sancta, ait Apostolus Petrus. Unusquisque ungitur in sacerdotium, ungitur in regnum, sed spiritale regnum, & sacerdotium spiritale. Conueniunt igitur inter se professio Christiana, & Præsentatio Mariana, in quibus tam immaculatam MARIAM, quàm animam aqua lustratam in se suscipit Spiritus sanctus, vtriusque factus sponsus, in cuius templum, domum, & familiam transit.

Non agitur hîc de fuga quam suasit prima culpa, agitur de regressu nostro ad Deum, ut qui se-  
gam didicimus ab Adamo, in MARIA dediscamus. Memento filij prodigi, qui miseræ fugæ suæ pœnas luit, nec vitauit, donec in paternam domum reuerteretur. Luc. 15, 21. Cum adhuc longè esset, vidit illum pater ip-  
sus, & misericordia motus est. Et accurrens, cecidit super collum eius, & osculatus est eum. Quid plura? dixit pater seruis suis: Citò proferte stolam primam, & induite illum, & date annulum in manu eius, & calceamenta in pedes eius. Proferte primam stolam innocentiae iam amissæ,

amiffa, nouum hominem induat, accipiat annulum nuptialem, assumat sibi paratos Euangelij calceos, quibus ornatus in Ecclesiam ingrediatur, ut nullum sit de priorum fuga periculum. Dicant ergo nati de se, cum se Deo in templo presentant: *Domine virtutum nobiscum, susceptor noster Deus Jacob*, & se ipsos in MARIA specularantes, adorantes, procedentesque ante eam dicent: *DOMINVS TECVM qui tecum nuptias in sancto suo templo celebrauit, & nos tibi assimilauit. Sancto spiritu accepto, ut ait Cyrillus lib.3. contra Hæretic. cap.2. domus & templum Dei efficimur, & Deum habemus habitantem, & ambulantes.*

## ATTENTIO.

*Attende, & audi. Deut.27,9.*

Attende tibi, hoc est imagini quam à Christo accepisti. *S. Ambrosius lib.3. de Viduis, p.3.*

**P**rimus homo de terra, terrenus: secundus homo de celo, celestis. Qualis terrenus, tales & terreni: & qualis celestis, tales & caelestes. Igitur, sicut portavimus imaginem terreni, portemus, & imaginem celestis. *Paulus 1. Corinth. 15, 47.*



Cum gestares foedam hominis terreni imaginem, comparere coram Deo non audebas, sed diuinos eius oculos formidabas: deposuisti effigiem, accepisti formam Christi, quæ semper apud Deum est, & dicis, *Mihi autem adherere Deo bonum est.* Reus tribunal iudicis vitat & fugit, quia supplicium timet: qui autem in Spiritu sancto renascuntur, & in Christo baptizantur, omni prorsus reatu liberi & immunes sunt. Mirabile sacrarium hoc sancti Baptismi est, quod ad se reos fugientes reddat omnino innocentes. Ita decernit Concilium Trident. sess. 5. *In renatis nihil odit Deus, quia nihil damnationis iis qui verè consepulti sunt cum Christo per Baptisma in mortem, qui non secundum carnem ambulant, sed veterem hominem exuentes, & nouum, qui secundum Deum creatus est, induentes, innocentes, immaculati, puri, immoxij, & Deo dilecti effecti sunt.*

Quanta vis in sacro Baptismate existat, vel ex hoc intelligi potest, quod cum tanta sit religio in oculis Dei; vt & in Angelis suis prauitatem deprehenderit, & stellæ mundæ non sint in eius conspectu, nihilominus renati in Spiritu sancto, innocentes, immaculati, puri; & immoxij, vel ab ipso Deo censeantur, & iudicentur. Non est cur vultum Dei subterfugiant, sed festinatò eum quarant, & in templo cælestis gloriæ se sistere affectent, vanis mundi pompis re-

AMI N nun-

nuntiantes, iuxta votum sanctæ Ecclesiæ, quod in  
Oratione habita pro renatis ipsa exponit, ac proponit  
in Vigilia Pentecostes: *Deus, qui nobis per Prophetarum  
ora præcepti temporalia relinquere, atque ad æterna  
festinare: da famulis tuis, ut quæ à te iussa cognovimus  
implere celesti inspiratione valeamus.*

Impressa animæ figura immaculata

MARIE.

**S**it in singulis renatis anima immaculata MARIÆ,  
ut magnificet Dominum, qui ad se inspirat regressum,  
& noua creaturæ suadet, ut virtute sacri Baptismi,  
diuinis oculis se sistat, & presentet. Sit in singulis  
Christianis spiritus Mariæ, ut exulet in Deo, de ignominiosa  
parentum fugam triumphans.

Luc. 1, 28.

BENEDICTA TV IN MULIERIBVS.

Sit in Tabula cordis imago Annuntiationis  
immaculatae MARIÆ Matris Dei, de maledictione  
terræ triumphantis, exemplar nouæ creaturæ, de eadem  
maledictione triumphum agentis.

Respice, & fac secundum exemplar quarti Felicitatis  
& triumphus Mariani.

IMA



aromam  
Nina ecc  
IVERI  
VII



IMAGO VNDECIMA  
EXPLICATA.

DDVXIT & induxit in terram vniuersam prima culpa maledictionis supplicium, cum Deus Adamo dixerit. *Quia audisti vocem uxoris tuae, & comedisti de ligno, ex quo, praeceperam tibi, ne comederes, maledicta terra in opere tuo: in laboribus comedes ex ea cunctis diebus vita tua: spinas & tribulos germinabit tibi.* Deus, qui terram totam maledictione puniuit, benedictione sua terram Marianam locupletauit, iuxta illud: *Benedixisti Domine terram tuam.* tunc nimirum, cum Deus ei per Archangelum Gabrielem Verbi diuini incarnationem annuntiasset, & vt S. Dionysius Caelst. Hierarch. cap. 4. §. 4. ait, *MARIAM erudiuit, quomodo in ipsa diuinum illud ineffabilis Deiformationis mysterium consummaretur;* tunc (vt Epist. v. dicit) *Dei Filius praecipuo quodam hominum amore captus, supra homines, & secundum homines, ex hominum substantia, cum supra substantiam existeret, substantiam assumpsit.* Haec utique benedicta terra, quoniam originali labe infecta non est. Bene Augustinus Sc. m. i. de Annuntiat. *Maledictio Euae in benedictionem mutatur MARIAE.* Accedit

dit Augustino Hieronymus Serm. de Assumpt. At per hoc quidquid maledictionis infusum est per Euam, totum abstulit benedictio MARIAE. Accedit Hieronymo Ildephonus Serm. 3. de Assumptione: Hec est illa, per quam omnis maledictio soluta est primorum parentum, & celestis benedictio in toto venit mundo.

Idem ipse Ildephonus lib. de Parturit. & virgin. B. MARIAE, improbens & damnans assertionem haereticorum, qui ore blasphemus dictitabant, & iactabant communi naturae iure prolem suam concepisse & effudisse, concludit: Quod si ita est, ut adstruunt & affirmant, ergo illa quae benedicta ab Angelis predicatur, in maledictione adhuc permanens, sub maledicto peperit: alioquin quid est quod legem naturae requirunt in MARIA, ubi totum quidquid in ea fuit, possidet Spiritus sanctus? Benedicta Virgo est, quae tota possidetur, tota tenetur Spiritu sancto. Confirmat apud S. Birgittam lib. 4. cap. 11. purissima Agnes, dum beatæ MARIAE dicit: Spiritus sanctus in te fuit, & extra te, & circumquaque tecum, qui te fecundavit confitentem nuntio Dei. Hoc nuntium attulit Gabriel, qui Luc. 1, 34. cum rogaretur à Virgine, Quomodo fiet istud, quomodo virum non cognosco? respondit: Spiritus sanctus superueniet in te. Quod si Iuditha, postquam Holoferni Iudith 13, caput abstulit, acclamatur benedicta. (Benedicta es tu  
28. filia

filia à Domino Deo excelso præ omnibus mulieribus super  
 terram.) acclametur & Virgo, quæ caput serpentis  
 contriuit. Acclamatur ab Angelo, cui nos supplices  
 quoque accedamus, & exclamemus, BENEDI- Luc. 1, 24.  
 CTATV IN MVLIERIBVS, sancta Dei geni-  
 tix, forma nostræ regenerationis, tu honorificentia Iudith 1  
 populi nostri. 10.

ADORATIO.

Spiritus est Deus: & eos, qui adorant eum, in  
 spiritu & veritate oportet adorare. Iohan. 4, 24.

Venite adoremus, & procidamus ante Deum. Psal. 94, 6.

Nos autem populus eius,

in similitudinem immaculatæ Annun-  
 tiationis.

**A**Doramus, & procidimus, cum in sancto Mis- Anima  
 sacre Sacrificio recitamus, Homo factus est, & lustrali  
 enuntiamus, Verbum caro factum est. Summum est tingitur,  
 Incarnationis mysterium, & summum cultum & triumphat  
 adorationem exigit, vnde & in genua prouoluimur à maledi-  
 adorantes Deum, & simul colentes immaculatam ctione ter-  
 MARIAM, ex qua Verbum caro factum est, & in ra.  
 qua natura sancti Baptismi refulgescit. Forma no-  
 stræ

stræ regenerationis, generatio Christi est, teste Ambrosio lib. de Iis qui mysteriis initiantur, cap. 9. *Quomodo dicamus, Quomodo regenerati sumus? Non agnosco usum naturæ. Sed nullus, hic naturæ ordo, ubi excellentia est gratiæ. Denique non semper usus naturæ generationem facit. Generatum ex Virgine Christum donum confitemur, & naturæ ordinem denegamus: non enim ex viro MARIAM concepit, sed de Spiritu sancto in utero accepit, ut dicitur Mat. 1, 18. Matthæus, quia inuenta est in utero habens de Spiritu sancto. Si ergo superueniens Spiritus sanctus in Virginem conceptionem operatus est, & generationis munus implevit, non est utique dubitandum, quod superueniens in fontem, vel super eum qui Baptismum consequitur, veritatem regenerationis operetur. Huc etiam pertinet, quod Sermone 1. de Epiphania affirmat idem Ambrosius, agens de Christi Baptismo, unde & nostrum suam originem habuit. Spiritus sanctus, qui tunc in cetero apparuit, modo in gurgite circumfulsit. Qui tunc MARIAM castificavit, nunc sanctificavit, & quasi mature re consilio, qui tunc umbram prestitit natiuitati, modo testimonium perhibet veritati. CUM foret in Adamo caro humana, Eua concepit dolorem, & peperit iniquitatem, & quidem ex serpente concepit; venit ad sacrum Baptisma, venit ad Catholicam Ecclesiam, & referens in se immaculatam MARIAM, concepit Christum.*



Christum, qui beneficio gratiae in renatis efficitur & formatur. Unde & Paulus tinctus iam aqua lustrali dicit: *Viuo ego iam non ego, uiuit uero in me Christus*. Galat. 2. 20. Christus scilicet, qui non solum immaculatae MARIAE, sed etiam aquis & fluentis Iordanis suum ortum habere profitetur. *Uiuu uero in me Christus*, cuius incarnatio uirginalis mysticum Baptisma est, cum exclamet Isaias: *Rorate cali desuper, & nubes pluant iustum: aperiatur terra, & germinet Saluatorem*. Isa. 45, 8. Ros & nubes indices Incarnationis, sunt etiam indicia Baptifinalis ablutionis. *Uiuu ergo in me Christus*, qui soluens maledictionem, delit benedictionem, cuius meminit Dauid Psalmo 84. *Benedixisti Domine terram tuam, auertisti captiuitatem Jacob: remisisti iniquitatem plebis tuae, operuisti omnia peccata eorum*. Benedicta terra Mariana, benedicta & anima Christina, quae mystica MARIA est: teste enim Cyrillo lib. 3. contra Haereticos, cap. 3. *Formatur Christus in nobis per operationem Spiritus sancti, renouatis nobis in similitudinem suam*. Et quidem similitudo Christi Spiritus sanctus est. Hinc (ut diuinus Dionysius de Ecclesiast. Hierarch. cap. 2. Parte 3. §. 8. de Baptismo agens ait) *Iacra diuinae generationis initiatio ea qua initiata sunt, diuino spiritui coniungit*. Accedit Basilius agens de Sacramento Baptifini: *Nunc quidem secundum*

O men-

mensuram Incarnationis interno homine in nobilitate  
Christo configurato obedientiam illi prestamus.

ATTENTIO.

Attende, & audi. Deut. 27, 9.

Attende tibi, hoc est imagini quam à Christo  
accepisti. *S. Ambrosius lib. 7. de Viduis, p. 3.*

**P**rimus homo de terra, terrenus: secundus homo  
caelo, caelestis. Qualis terrenus, tales & terreni: &  
qualis caelestis, tales & caelestes. Igitur, sicut portauimus  
imaginem terreni, portemus & imaginem caelestis. *Paulus*  
*1. Corinth. 15, 47.*

Misit caelestis Pater, ut lib. 2. in Ioan. cap. 3. ex-  
pendit Cyrillus, immutabilem naturam Filium suum, &  
procul ab omni peccato remotum, ad carnem nostram assu-  
mendam, ut quemadmodum praeuaricatione primi Adae ma-  
ledictioni subiecti fuimus, sic obedientia virtuteque secun-  
di, & maledictionem fugiamus, & quae ab ea sunt secun-  
dum detrimenta ne timeamus. Praetulisti imaginem terreni  
Adami, vocem serpentis audisti, & maledictionem  
Dei in te ipsum deriuasti: venisti ad sacrum Bap-  
tisma, in quo serpentis dolis renuntians, filius ho-  
minis esse desisti, & in filium Dei translatus, ap-  
par

pares similis Christo, & Matri, quæ serpentem non  
 auscultavit, sed missum à Deo Angelum excepit,  
 iussis diuinis obtemperavit, de quo Irenæus apud  
 Augustinum lib. 1. contra Iulianum, cap. 2. *Quemad-*  
*modum adstrictum est morti genus humanum per virgi-*  
*nem, solvatur per virginem, aqua lance disposita virginalis*  
*inobedientia per virginalem obedientiam: adhuc enim*  
*protoplasti peccato per primogenitum emendationem acci-*  
*piunt, serpentis verò prudentia devicta per simplicitatem*  
*columbæ, vinculis illis resoluti sumus, per quæ alligati mor-*  
*ti eramus.* Solvit Christus veteris Adami execrabilem  
 maledictionem, & dedit benedictionem, quæ be-  
 nedicta anima fiat similis immaculatæ MARIÆ,  
 quæ ceteris feminis benedictionem præripuit: præ-  
 ripuit & ipsa benedictionem infinitæ multitudini  
 animarum, quæ expertes aquæ lustralis sub maledi-  
 ctione vixerunt, & adhuc sub maledictione degunt.  
 Benedicta anima cuius Deus Dominus eius. *Non* ps. 147, 11  
*fecit taliter omni nationi, & iudicia sua non manifestavit*  
*eis.* Manifestavit Deus per Angelum mysterium ge-  
 nerationis Christi MARIÆ: Christianæ regenera-  
 tionis Sacramentum declarat per Sacerdotem suum,  
 qui nomine Ecclesiæ solemnij Sabbati sancti die ro-  
 gat: *Omnipotens sempiternæ Deus, adesto magnæ pietatis*  
*tue mysteriis, adesto Sacramentis, & ad recreandos novos*  
 O 2 popu-

populos, quos tibi fons Baptismalis parturit, Spiritus adoptionis emitte, ut quod nostrae humilitatis gerendum ministerio, virtutis tuae impleatur effectu.

Impressa animae figurā immaculatæ  
MARIÆ.

**S**IT in singulis Christianis anima immaculatæ MARIÆ, ut magnificet Dominum, qui felix evadens maledictionem, dedit benedictionem, ut virtute Sacramenti Baptismi, terra nostra priori maledicto liberaretur. Sit in singulis renatis ex aqua & Spiritu sancto spiritus MARIÆ Virginis, ut exaltet in Deo, de primā maledictione celebrans gloriosam victoriam.

Luc. I, 43.

ET BENEDICTVS FRUCTVS VENTRIS TVI.

Sit in Tabula cordis imago Visitationis immaculatæ MARIÆ Matris Dei, de fructu terrae maledictione triumphantis, exemplar novae creaturae hunc eundem triumphum celebrantis.

Respice, & fac secundum exemplar quinti Felicitatis & triumphus Mariani.

IMA



atopium  
Mina etc.  
IVERI  
VII



## IMAGO DVODECIMA

## EXPLICATA.

**C**UM dixerit Adamo Deus, *Maledicta terra* Gen. 3, 17.  
*in opere tuo*, non in terra solùm, sed in eius Prima in  
 etiam fetu imposita maledictio locum te- Visitatione  
 nuit. Adumbratum est in terra, & eius Maria de  
 fetu, quod Eux & prolibus eius accidit. Criminis maledictio  
 prioris ergo maledictum Eua subiit, subierunt & ne fructus  
 eius proles, quæ omnes sub maledicto formantur solemnem  
 & concipiuntur. Fructus ventris generosi Christus, triumphum  
 de quo dictum est Davidi: *De fructu ventris tui po-* agit.  
*nam super sedem tuam.* & de quo iam dictum fuerat  
 Abrahamo: *Benedicentur in semine tuo omnes gentes.* Gen. 22, 18  
 Consonat sibi David, cum terræ simul ac fructui  
 benedicens modulatur: *Confiteantur tibi populi Deus,* Pl. 68, 7.  
*confiteantur tibi populi omnes: terra dedit fructum suum.*  
 Tulit MARIÆ fructum, qui tollens maledictio-  
 nem, dedit benedictionem, & confundens mortem,  
 donavit nobis vitam sempiternam. Terra ergo be-  
 nedicta suo benedicto fructu, tota illustris & deco-  
 ra apparet in Visitatione, procedens instar Iudithæ  
 cum magna gloria, ut virtute Visitationis suæ Ioan-  
 nem à culpa originis liberet. Processit in montana  
 cum

cum tanta tamque excelsa gloria Spiritus, ut ex eius plenitudine Elisabetha acciperit, & repleta Spiritu sancto fuerit.

Ad stuporem Elisabethæ plena diuino Spiritu MARI A comparabat, & ad stuporem MARI AE apparebat Elisabetha venusta decore gratiæ, quem admodum apud Birgittam lib. 6. cap. 59. testatur in hæc verba ipsa Virgo: *Cum Elisabeth miraretur feruorem Spiritus qui loquebatur in me, & ego non dissimiliter mirabar in ea gratiam Dei: ambae benedicentes Deum, festinus simul aliquibus diebus.* Postquam caput Holo-

*Iudith 13, 24.* fennis ablatum est, Deus ipse benedicitur. *Benedictus Dominus, qui creauit cælum & terram, qui te direxit in vulnera capitis, principis inimicorum nostrorum.* Consequens ergo fuit, ut cum caput serpentis contriuisset

MARFA, non ipsa solum, sed etiam Deus quem *Luc. 1, 42.* gestabat in utero, laudaretur, ac diceretur, *BENEDICTVS FRUCTVS VENTRIS TVI*, sicut & tu benedicta es, forma regenerationis Christianæ,

*Iudith 15, 10.* *tu honorificentia populi nostri.*



## ADORATIO.

*Spiritus est Deus: & eos, qui adorant eum, in* Ios. 4. 24.  
*spiritu & veritate oportet adorare.*

*Venite adoremus, & procidamus ante Deum.* Ps. 94. 6.

*Nos autem populus eius,*  
*in similitudinem immaculatæ Visitationis.*

**I**oannes mundatus à labe & lue originalis peccati, Anima  
dum Sa-  
cramento  
lauatur,  
triumphat  
de male-  
dictione  
fructus. repletusque Spiritu sancto, in vtero matris exulta-  
uit. Deus virgineo inclusus ergastulo, gessit se cum  
Ioanne, more domestico & familiari, quem apud  
S. Birgittam lib. 4. Reuelat. cap. 16. describit eadem  
gloriosa Virgo: *Deus quippe est quasi gallina calefaciens  
oua, de quibus fiunt viuentes pulli. Omnia itaque oua quæ  
subtus gallinam sunt, recipiunt calorem eius, non autem  
oua circumstantia: nec mater frangit testam oui in qua pul-  
lus concipitur, sed ipse pullus rostro suo tentans frangere;  
quod videns mater, illi pullo calidum locum preparat, vbi  
subsistat. Sic Deus omnes cum gratia sua visitat, eos verò  
qui sic cogitant, Nos, inquit, abstinere volumus à pec-  
cando, & in quantum possumus, conari volumus ad per-  
fectionem, hos visitat Spiritus sanctus frequentius, vt per-  
fectius possint.* Hactenus immaculata MARIA geni-  

P trix

Mat. 23, 37 trix Dei, qui dicit de se: *Quoties volui congregare filios tuos, quemadmodum gallina congregat pullos suos sub alas & noluisti?* Nobilis pullus Ioannes, quem visitavit inuisit Spiritus sanctus, ut ad formam Marianam purum à macula originali illum reformet.

Qualis M A R I A, talis anima Ioannis, talis anima Christiana, quæ ascendit de sacro fonte, sicut & illa descendit in montana. Hæc lex inuiolabilis ignis est, ut sursum adspiret; & anima, quæ baptizatur in Spiritu sancto & igne, professione sua auhelat, ut eius mens ducatur & feratur ad sublimia. Colof. 3, 1. vnde & Paulus ascendentibus de lauacro dicit: *consurrexistis cum Christo, quæ sursum sunt quaerite, quia Christus est, in dextera Dei sedens. Quæ sursum sunt sapite, non quæ super terram.* Quicumque emergit è fonte Baptismatis fonte, confurgit cum Christo, & eius anima similis est M A R I A E, cui in sacra Visitatione, quemadmodum Ecclesia canit, ascendens in altum Christus adhuc in utero dicit: *Surge, propera amica mea, columba mea, formosa mea, & veni.* Reperit verba, quia pulchra: *Surge, propera amica mea, speciosa mea, & veni: columba mea in foraminibus petreæ, in cauerna maceræ, ostende mihi faciem tuam, sonet vox tua in auribus meis.*

Surgit columba Mariana, surgit columba Christiana.

stiana, in cuius elogium expendit Ambrosius in  
 Psal. 118. litt. 16. locum illum Cantorum: *Oculi eius* Cant. 5, 12.  
*sicut columbae super riuulos aquarum, quae lacte sunt lotae,*  
*& resident iuxta fluentia plenissima.* Expendit autem in  
 haec verba: *Baptizat in lacte Dominus, id est, in sinceritate,*  
*& isti qui sunt verè baptizantur in lacte, qui sine*  
*dolo credunt, & puram fidem deserunt, immaculatam in-*  
*duunt gratiam, idè candida sponsa accedit ad Christum,*  
*quia in lacte baptizata est. Idè mirantur eam Virtutes &*  
*Potestates, dicentes: Quae est ista quae ascendit dealbata?* Cant. 8, 5.  
*Ante paululum dicebat, Nigra sum; nunc autem dealbata* Cant. 1, 5.  
*cernitur, & ascendit in calum, & innixa Dei Verbo, iam*  
*alta penetrat. Volat in altum M A R I A, volat & ani-*  
*ma renouata Spiritu sancto, de qua Richardus Par-*  
*te 2. in Cantorum cap. 15. Boni, inquit, Spiritus san-*  
*cti renouatione & subleuatione ad hunc volatum & li-*  
*bertatem nascuntur. Isti sunt, qui vt nubes volant, &*  
*quasi columbae ad fenestras suas, quia ad aeterna deside-*  
*ria subleuantur, & ad infirma nulla cupiditate ferun-*  
*tur. Quem volatum columbinum Spiritus sanctus opera-*  
*tur in anima, quae designatur per columbam. Montana*  
*igitur penetrat innixa Verbo incarnato, cuius virgi-*  
*nalis ventris benedictus fructus est; alta quoque pe-*  
*netrat anima eidem inuolans Verbo, de quo Da-*  
*uid: Virga tua, & baculus tuus, ipsa me consolata sunt.* Ps. 22, 4.

Sis mihi tu virga, tu baculus; sis mihi fructus benedictionis, cuius virtute tendam ad sublimia. Et quidem, ut ait Cyrillus lib. 11. in Ioan. cap. 25. Nonquam ad supremam naturam imaginem humilitas nostra conscenderet, nisi Spiritu, voluntate videlicet Patris, confirmaretur.

## ATTENTIO.

*Attende; & audi.* Deut. 27, 9.

Attende tibi, hoc est imagini quam à Christo accepisti. *S. Ambrosius lib. 3. de Viduis, p. 3.*

**P**rimus homo de terra, terrenus: secundus homo de celo, caelestis. Qualis terrenus, tales & terreni: & qualis caelestis, tales & caelestes. Igitur, sicut portavimus imaginem terreni, portemus & imaginem caelestis. Paulus 1. Corinth. 15, 47.

Gestasti, homo, imaginem Adam<sup>i</sup> terreni, qui te rebus terrenis affixit. Filius Adæ erat David, & Pf. 118, 25. memor conditionis suæ, & tuæ, dicebat: *Adhæsit pavimento anima mea.* & rursus: *Adhæsit in terra venter noster.* Regeneratus in Spiritu sancto & translatus in Ioan. 8, 23. Christum fuisti, qui dicit de se: *Ego non sum de hoc mundo,* quia caelestis: & Christianis suis ait: *De mundo*

do non estis, quia mecum caelestes estis, & in vobis imaginem meam praefertis. Christus hospitatus in utero matris, venit hospes in montana, ut sursum Ioannem attolleret, quem in ventre matris iacentem culpa communis tenebat. Mundo, & mundialibus pompis, cum aqua sacra lustrareris, renuntiasti, ut more Christi & MARIAE, hospes in mundo esses. Ergo ne agas in terra ciuem, sed peregrinum, qui terrena non curat, sed caelestia meditatur.

*Benedictus Deus, & Pater Domini nostri Iesu Christi, Ephes. 1.3. qui benedixit nos in omni benedictione spiritali, in caelestibus, in Christo.*

Benedixit nos in caelestibus, tam in Christo quam in Spiritu sancto, quo repleta Elisabetha, caelo potius quam terrae prolem suam consecrauit. Erat in utero Ioannes, erat palmes in sua vite, & quidem omnino incultus; coluit Deum, & ipse cultus & ex cultus est. Vitis instar Ecclesia est (*uxor tua sicut vi-* Pl. 1.27.3. *tis abundans in lateribus domus tuae*) palmites Christiani sunt. Deus illos colit & excolit, ut fructus benedictionis existant. Huc pertinet sacra Oratio quae pro renatis Sabbato sancto ab Ecclesia recitatur: *Deus, qui in omnibus Ecclesiae tuae filiis sanctorum Prophetarum voce manifestasti, in omni loco dominationis tuae satorem te bonorum seminum, & electorum palmitum esse cultorem:*

tribue quas sumus populis tuis, qui & vinearum apud te nomine censentur, & segetum, Et spinarum & tribulorum squalore resecatō, digna efficiantur fruge secundi.

Impressa animæ figura immaculatæ  
M A R I Æ.

**S**it in singulis renatis anima immaculatæ MARIÆ, ut magnificent Dominum, qui spinarum & tribulorum squalore resecatō, fructibus benedictionis Ecclesiam tuam fecundet. Sit in singulis renatis spiritus Mariæ, ut exultet in Deo, cuius sacri Baptismi virtute benedicta creatura floret, fructificat, & triumphat.


SANCTA MARIA.

Sit in Tabula cordis imago Expectationis immaculatæ MARIÆ Matris Dei; de doloribus partus triumphantis, exemplar Ecclesiæ cum exultatione factus huius enitentis.

Respice, & fac secundum exemplar sexti Festi & triumpho Mariani.



arcum  
Maria etc.  
INVERI





## IMAGO DECIMATERTIA

## EXPLICATA.



ANTE puerperium suum timent ac trepidant feminæ, nec sine causa: Eux enim & eius sexui dicta sententia est: *In dolore paries filios.* Dignas luit pro commisso poenas Eua, & rea in ipso partu punitur. Timet supplicium reus, non sperat. Expectat MARIA partum sine dolore futurum. Præuenerat Gabriel Virginem, ne timeret: *Ne timeas MARIA: inuenisti enim gratiam apud Deum.* Quæ verba sapienter versat Idiota. Inuenisti, inquit, MARIA, gratiam caelestem, quia fuerunt in te ab originali labe præseruatio, Angelica salutatio, Spiritus sancti superuentio, & Filij Dei conceptio. Sed qualiter, ô felicissima Virgo, has gratias inuenisti? Certè, ô superbenedicta Virgo, sicut Eua gratiam amisit per superbiam, & inobedientiam, & curiositatem vanam; sic tu è diuerso gratiam inuenisti, quam numquam amisisti, quæ futura eras omnium humillima, obedientissima, & in Dei scientia solidissima. Idem caelestis Angelus, qui timorem eliminauit ex Virgine, in bonam spem & expectationem illam induxit, dum ait, *Ecce concipies in utero, & paries filium.* addit deinde, Spiritus sanctus

*Prima de doloribus partus sollemnem in Expectatione agit Maria triumphum. Gen. 3, 16.*

*Luc. 1, 30.*

*Luc. 1, 31.*

Q super-

superueniet in te, & virtus Altissimi obumbrabit tibi. Illi  
eoque quod nascetur ex te sanctum, vocabitur Filius Dei.

Deus promissis stetit, & superuenit Spiritus sanctus, cuius virtutē M A R I A concepit Filium, et  
spectationem vnam & vnicam Israël, desiderium  
collium æternorum. Sacrum M A R I A E nomen sonat  
spem & expectationem, cuius virgo mater est.  
Illam Matrem sanctæ spei Patres omnes recogno-  
scunt, inuocant, & implorant, cuius auidè partum  
optantes exclamant: *O sapientia, que ex ore Altissimi  
prodiisti, attingens à fine usque ad finem fortiter, suauiterque  
disponens omnia, veni ad docendum nos viam prudentiæ.* Benè sperauit, & benè sperare docuit Iuditha,  
quæ Holofernem decollauit. Hæc spes magis  
splendet in M A R I A, magis fulget: caput serpentis  
contriuit, & præferens nomen spei, procedit cum  
magna gloria, digna quæ vocetur & inuocetur.  
S A N C T A M A R I A, spes nostra saluæ, forma nos-  
træ regenerationis, honorificentia populi nostri.

Judith 15,  
10.

## ADORATIO.

*Spiritus est Deus: & eos, qui adorant eum, in spiritu & veritate oportet adorare.* Ioan. 4, 24.

*Venite adoremus, & procidamus ante Deum.* Psal. 94, 6.

*Nos autem populus eius,*

*in similitudinem immaculatæ Expectationis.*

**O** Sapientia, & Sapientiæ parens immaculatæ Anima, cum vitiis  
**MARIA**, in cuius partu totam suam spem Sacramentali ablutione, triumphat de timore, sigillis Mariæ spei.  
 collocarunt Patres omnes, & filij omnes qui ortus  
 sui originem ex ipsis traxerunt & habuerunt. Te-  
 cum, ô Virgo, loquitur Angelus ille cælestis, qui  
 sermonem tuæ Birgittæ dictavit: *Dolebant vehementer*  
*Propheta, videntes filios Israël pro superbia & carnis*  
*petulantia legem Moysis deserere, & elongata ab eis diuina*  
*charitate, iram Dei super eos venire. Exultabant, antè*  
*prænoscentes, quòd ipse legis dictator, & Dominus, ex*  
*tua humilitate, & tuæ vitæ puritate, ô MARIA, stella*  
*præfulgida placaretur, & quòd reciperet eos in suam gra-*  
*tiam, qui ipsum ad iram prouocauerant, & suam indigna-*  
*tionem miserabiliter incurrerant. Dolebant etiam, quia*  
*destructis muris & portis Ierosalem, inimici Dei fuerant*  
*ingressi, expugnantes corporaliter, satanas autem spiri-*  
 tua

Q 2

tualiter. Sed exultabant de te, ô MARIA, porta dignissima, præscientes in te Deum fortissimum gigantem assumpturum arma, quibus diabolum & omnes inimicos decedere debebat, & sic Verè Prophetæ, sicut Patriarchæ, de te, ô dignissima Mater, permaximè consolati fuerunt.

Expectatio virginalis, quàm conueniat mysterio sacri Baptismi, vel ex hoc percipi potest, quòd cum sancti Patriarchæ clament & exclament, *Rorate caelos desuper, & nubes pluant Iustum; aperiatur terra, & germinet Salvatorem*: exclamatione sua rorem & pluuiam, lustralem aquam nimirum, videantur postulare, non semel tantum, sed etiam iterum, apud eundem Isaiam. *Utinam dirumperes celos, & descenderes, à facie tua montes disfluere, sicut exustio ignis turbescerent, aquæ arderent igni: ut notum fieret nomen inimicis tuis, à facie tua gentes turbarentur.* *Nec dubium, quin probatica piscina, quæ erat antè Ierosolymis, vbi erat multitudo languentium, expectationem aquæ motum, adumbraret expectationem eorum, qui aduentum Christi sperarent. Hæc etiam Ambrosius lib. de Iis qui mysticis initiantur capit. Crede, quia non sunt vacuæ aquæ. Ideò tibi dictum est, quia Angelus Domini descendebat secundum tempus in natoriam, & movebatur aqua. Concludit tandem: Ita*

que ille paralyticus expectabat hominem. Quem, nisi illum  
 Dominum Iesum natum ex MARI A Virgine, cuius ad-  
 uentu non umbra sanaret singulos, sed veritas vniuersos?  
 Iste est, qui expectabatur vt descenderet, de quo dixit  
 Deus Pater ad Ioannem Baptistam: Super quem videris Ioan. 1, 33.  
 Spiritum descendentem de caelo, & manentem super eum,  
 hic est qui baptizat in Spiritu sancto.

Expectet igitur anima, quæ in Spiritu sancto  
 mundata est, & euadens immaculatæ MARI AE si-  
 milis, exclamet, prorumpatque in illas voces: O Sa-  
 pientia, ô Adonai, ô radix Iesse, ô Oriens, & splendor  
 lucis aeternæ, ô Rex gentium, ô Emmanuel, ô clavis Da-  
 uid, & sceptrum domus Israël, qui aperis, & nemo clau-  
 dit; claudis, & nemo aperit: veni, & educ vinctum de  
 domo carceris, sedentem in tenebris, & umbra mortis. Ne  
 timeas, Virgo, sed speres: ne timeas Christiana ani-  
 ma. vbi Spiritus Domini, ibi libertas est. Ideò Chri-  
 stus venit, vt dixerat antè Cyrillus, ne culpæ illius  
 prioris timeamus detrimenta. Ergo Christum non se-  
 cundum carnem, sed in spiritu concipe in te, vt partu-  
 rias ex te, quemadmodum Sermone de Natiuitate  
 monet Iustinianus.

Q3

AT-

## ATTENTIO.

*Attende, & audi.* Deut. 27, 9.

Attende tibi, hoc est imaginem quam à Christo accepisti. *S. Ambrosius lib. 3. de Viduis, p. 3.*

**P**rimus homo de terra, terrenus: secundus homo à celo, celestis. Qualis terrenus, tales & terreni: & qualis celestis, tales & caelestes. Igitur, sicut portamus imaginem terreni, portemus & imaginem celestis. *Paulus 1. Corinth. 15, 47.*

*S. Augustinus lib. 3. de Symbolo ad Catechumenos cap. 10.* postquam terreni Adami imaginem deposuisset, ac Christi effigiem recepisset, exclamat: *Omnia prorsus delet sanctum Baptisma, & originalia & propria dicta, facta, cogitata, cognita, incognita omnia dimittuntur. Innouat hominem, qui fecit hominem: donat delicta, quae non querit merita: praenit gratia etiam ipsam infantiam, ut sint liberi per Christum liberati, qui in Adam à diabolo tenebantur antè captiui. Innouatus es, veterem hominem exuens cum actibus suis, & induens nouum, qui secundum Deum creatus est, & te creauit. Accepisti Spiritum sanctum, qui est remissio & indulgentia omnium peccatorum. Praenit es gratia Baptismi.*

Baptismi, ut liber per Christum sis, qui eras ante captiuus, & pro libertate tua gemebas, & suspirabas, compos factus voti tui, poteris Christiane exclamare: *O misericordia!* & semel acclamare cum Apostolo: *Apparuit benignitas & humanitas Saluatoris nostri Dei, non ex operibus iustitiae quae fecimus, sed secundum suam misericordiam saluos nos fecit, per lauacrum regenerationis & renouationis Spiritus sancti, quem effudit in nos abunde per Iesum Christum, Saluatorem nostrum: ut iustificati gratia ipsius, heredes simus secundum spem uitae aeternae.*

Excitamur in spem altam & sublimem aeternae uitae, renati in Spiritu sancto. Eapropter dicit renascens: *Quemadmodum desiderat ceruus ad fontes aquarum, ita desiderat anima mea ad te Deus. Sitiuit anima mea ad Deum fontem viuuum, quando veniam, & apparebo ante faciem Dei? Accedit & orans Ecclesia, quae corda renatorum suorum inspiciens & introspiciens, Deum caelestem precatur: Omnipotens sempiternae Deus, respice propitius ad deuotionem populi renascentis, qui sicut ceruus aquarum tuarum expetit fontem: & concede propitius, ut fidei ipsius sitis, Baptismatis mysterio animam corpusque sanctificet.*

Im-

Impressa animæ figura immaculatæ  
MARIE.

**S**it in singulis renatis ex aqua & Spiritu sancto  
anima immaculatæ MARIE, vt magnificet  
Dominum, in quo sita est spes & expectatio om-  
nium Christianorum. Sit in anima spiritus Maria-  
nus, vt dum Christum concipit, & effudit virtus  
sacri Baptismi, nihil timens, sed in Deo su-  
cumbens, & simul triumphans de doloribus partus, lu-  
lum parturiant.

MATER DEI.


Sit in Tabula cordis imago Purificationis immu-  
culatæ MARIE Matris Dei, de multiplicatione  
fetuū triumphantis, exemplar Ecclesiæ, & animæ  
fetuū vnum enitens virtute sacri Baptismi.

Respice, & fac secundum exemplar septimi Fe-  
sti & triumpho Mariani,





R



IMAGO DEGIMAQVARTA  
EXPLICATA.

**D**IVES & opulenta Eua, redacta ad inopiam est. Vbi primùm lapsus fecit, eò inopia, eò paupertatis deuenit, vt vestes quas indueret non haberet, & necessitate compulsa, laceris se foliis contegeret. Cùm esset in statu indigentia, dixit Dominus Deus Eua: *Multiplicabo erumnas tuas, & fetus tuos.* Hinc profectum est, vt pauperulae feminae plurimas edant proles, quas vnde alant non habent, & multiplicatis fetibus, erumnæ parentum magis & magis augeantur. Soluunt itaque filia Eua meritas violatae legis poenas. Legem non infregit, non violauit immaculata.

**MARIA**, quæ cùm pauper ita esset, vnum solum peperit filium, vnicum Filium Dei enixa est.

*Prima in sua Purificatione Maria solem. et. triumphum agit de duplici miseria prolium. Gen. 3, 16.*

Mater Dei est, quæ post partum venit ad templum, vt immaculatam se ostenderet, ostenderetque se legi supra id quod lex petebat, obsequi velle, sicut & ipsa Birgittæ exposuit lib. 6. cap. 57. *Filia mea, scias quòd ego non indigebam purificatione sicut alie femine, quia filius meus, qui natus est ex me, ipse mundauit me, nec ego aliquam quantumcumque minimam maculam*

contraxi, quæ filium mundissimum sine aliqua immunditia  
 generavi. Addit deinde: Tali etiam die, sicut hodie, do-  
 lor meus augmentatus fuit. Nam licet sciebam filium meum  
 Luc. 2, 35. ex inspiratione divina passurum, tamen ex verbis Sime-  
 nis, quibus dixit, gladium pertransiturum animam meam,  
 & filium meum positum in signum, ut contradiceretur,  
 gravius perforabat cor meum dolor iste, qui usque dum de-  
 sumpta sui corpore & anima in celum, nunquam de-  
 à corde meo, quamquam ex consolatione Spiritus Dei ter-  
 peraretur. Hoc diuini Spiritus munimento, & par-  
 ter ornamento procedit MARIA in templum, filium  
 filium coram Patre, unicam Dei Patris unicam fili-  
 Mat. 1, 16. met ipsius prolem, De qua natus est Jesus, qui vocatur  
 Christus: ipsa Virgo est, & MATER DEI, typus  
 sanctæ Matris Ecclesiæ, forma nostræ regenerationis  
 Iudith 15, 10. nris, honorificentia populi nostri. Rectè igitur purifica-  
 tio Baptismus repræsentat, cum hic (vt S. Diony-  
 sius Ecclesiast. Hierarch. cap. 2. Parte 3, §. 1. testatur  
 diuina institutione satis probet accedentis, quam sancti  
 operatur, vitæ integritatem, & per vitam probam ac di-  
 uinam, vniuersa simul malitiæ perpurcationem, naturæ  
 emundatione aqua, corporalius ipsi denuntiet.

## ADORATIO.

*Spiritus est Deus : & eos , qui adorant eum , in* Ioan. 4, 24.  
*spiritu & veritate oportet adorare.*

*Venite adoremus , & procidamus ante Deum.* Pl. 94, 6.

*Nos autem populus eius ,*  
*in similitudinem immaculatæ Purificationis.*

**Q**ualis Dei Mater , talis & Ecclesia Dei , quam Mystica  
 lib. de Symbolo tract. 2. describens Augusti- Maria Ec-  
 nus ait : *Sancta Ecclesia , in qua omnis Sacramenti fetuum* clesia dum  
*triumphat auctoritas , mater & virgo , prole secunda , spon-* abluit &  
*sa Christi , piè nutrit filios , quos Deo Patri dignos assigna-* abluitur,  
*re contendit .* triumphat  
*Format & conformat filios in similitu-* de numero  
*dinem immaculatæ MARIÆ , quæ propterea in* prolium.  
*templum venit , de vnici Filij sui manifestatione iucunda ,*  
*atque de gentium vocatione deuota , sicuti adstruit Iusti-*  
*nianus Sermone de Purificat. Coniunguntur in festo*  
*Purificationis MARIÆ vnici Filij Dei manifestatio ,*  
*& vocatione populi Gentium .* *Nos autem populus eius .*  
*Nobiscum igitur illuminatis , purificatis , & bapti-*  
*zatis agit Apostolus cap. 8. ad Romanos vers. 9. Vos*  
*autem in carne non estis , sed in spiritu : si tamen spiritus*  
*Dei habitat in vobis . Si quis autem Spiritum Christi non*  
 R 3 *habet ,*

habet, hic non est eius. Christianus non est, quem non mundauerit prius & purgauerit lustrali aqua Spiritus Christi.

Benè Ambrōsius lib. de Iis qui mysteriis initiatur, cap. 4. *Hoc est illud magnum mysterium, quod oculus non vidit, nec auris audiuit, nec in cor hominis ascendit. Aquas video, quas quotidie videbam, ista me habent mundare. In aquas saepe descendi, & numquam mundatus sum. hinc cognosco, quod aqua non mundat sine spiritu.* Hoc illud magnum mysterium, in quo Dei Mater & mater Ecclesia conueniunt, sicut adstruit Augustinus Apoc. 12, 4 lib. 4. de Symbol. cap. 1. *In Apocalypsi Ioannis Apostoli scriptum est hoc, quod staret draco in conspectu mulieris quae paritura erat, ut dum peperisset, natum eius conderet. Draconem diabolum esse, nullus vestrum ignorat. mulierem illam virginem MARIAM significasse, quae uirginitatem nostram integra integrum peperit; quae etiam ipsa figuram in se sanctae Ecclesiae demonstrauit: ut quomodo filium pariens uirgo permansit, ita & haec omni temporum membrum eius pariat, & uirginitatem non amittat. Multa sunt membra fidelium, quae unum Christum contempnunt, ac proinde nec in Ecclesiam primam illa cadit Gen. 3, 16 sententia, Multiplicabo arumnas tuas, & fetus tuos.*

Magnum hoc mysterium est, in quo sibi conueniat Mater Dei, & aqua sancta lustralis, quam Spiritus

ritus sanctus fecundat. Confirmat diuus Ambrosius Serm. I. de Epiphan. Sicut post partum glorificata est MARIAE castificatio, ita post Baptismum aqua est comprobata purificatio, nisi quòd pænè maiore munere, quàm MARIA, vnda ditata est: illa enim tantum sibi meruit castitatem, ista sanctificationem nobis contulit. Illa meruit ne peccaret, ista vt peccata purgaret. Benè clamat & exclamat Bonauentura de Stimulo amoris, p. 3. O beatus, qui de tam nobili matre latatur, ipsam corde amplectitur, opere imitatur! O felix, qui Matri Dei secundum posse suum nititur conformari. Hic est certè, qui omni creatura contempta, soli Deo singulari amore inhaeret.

## ATTENTIO.

Attende, & audi. Deut. 27, 9.

Attende tibi, hoc est imagini quam à Christo accepisti. S. Ambrosius lib. 3. de Viduis, p. 3.

**P**rimus homo de terra, terrenus: secundus homo de caelo, caelestis. Qualis terrenus, tales & terreni: & qualis caelestis, tales & caelestes. Igitur, sicut portauimus imaginem terreni, portemus & imaginem caelestis. Paulus 1. Corinth. 15, 47.

Portasti imaginem terreni Adami, hominis quidem

dem impuri & perditum, quam in Christo baptizatum reiecisti, & similis purificatae MARIAE comparasti. Hoc ipsum exigebat Apostolus, ut monet Ambrosius de Mysterio Pasch. cap. 4. *Sicut portauimus imaginem terreni, id est vetusti hominis in crimine, & portemus imaginem caelestis, id est suscepti, redempti, & parati, ac purificati hominis, teneamus in Christo.* Et quod idem vetus homo per totum hominem pertinet, ut illum inficeret; pertineat & Christus, ut totum hominem abstergat & mundet. Quod pertinet sententia illa Bernardi Serm. 6. de Aduentu Domini. *Sicut fuit vetus Adam, effusus per totum hominem, & totum occupauit; ita totum obtineat Christus, qui totum creauit, totum redemit & glorificauit, quique totum hominem saluum fecit in Sabbato.*

Idem ipse est, qui seruum suum Simeonem, cum totus senex esset, purificauit, innouauit ac renouauit, qui illuminationem Gentium, & illustrationem Sacramenti Baptismi praedixit, dum cecinit.

Luc. 2. 32. *Nunc dimittis seruum tuum Domine secundum verbum tuum in pace: quia viderunt oculi mei salutare tuum, quoniam paraisti ante faciem omnium populorum, lumen ad reuelationem Gentium, & gloriam plebis tuae Israel.* Lumen Gentium nunc temporis Christus est, cum aquam lustralem impertit, ut animam corpusque purificet.





vnus gignit & edit fetum. Hic autem fetus Christus est, vnus instar omnium prolium, quem datus Spiritu & eius donis anima Christiana, profertur in se, & ex se efficit, cum tota mundata & purificata, deriuat in se MARIAM immaculatam, virginalemque eius Purificationis particeps beneficio diuinæ gratiæ redditur & efficitur.

ORA PRO NOBIS PECCATORIBVS.

Sit in Tabula cordis imago Assumptionis immaculatæ MARIÆ Mæris Dei, de exilio Adæ triumphantis, exemplar nouæ creaturæ, ex exilio seruocæ, atque triumphantis.

Respice, & fac secundum exemplar octauæ Feste & triumpho Mariani.



IMAGO DECIMA QUINTA  
EXPLICATA.

**S**IMILIS mortuo est, qui in exilium re-  
legatur. Et quidem Adam relegatus est.  
Et emisit eum Dominus Deus de paradiso vo-  
luptatis, ut operaretur terram, de qua sum-  
ptus est. Eiecitque Adam: & collocavit ante paradisum  
voluptatis Cherubin, & flammeum gladium atque versa-  
tilem, ad custodiendam viam ligni vite. Pulchrè hoc  
describit S. Dionysius de Ecclesiast. Hierarchia cap. 3.  
Parte 9. §. II. dicens: Naturam humanam, ab initio di-  
vinis bonis imprudentia sua spoliata, vita passionibus ob-  
noxia, & tetra mortis exitus excepit; quippe perniciofa  
ista veri boni desertio, sacraeque in paradiso legis praevari-  
catio, eum qui blandè mulcentibus, & infestis aduersarij  
fraudibus illectus, vitale iugum excusserat, propensionibus  
suis, quae diuinis bonis aduersantur, dimisit, vnde mi-  
serè eternitatem cum mortalitate commutavit: & qui ori-  
ginem à corruptibili generatione acceperat, ad interitum  
origini suae consentaneum iure merito properavit; nec non  
à vita diuina, quae ipsum ad supera erigebat, dilapsus, &  
ad extrema contraria iam praeceptus datus, variis perturba-  
tionibus obnoxiam nactus est immutationem. Communis

S 3 hac

Prima in  
sua Assum-  
ptione Ma-  
ria agit so-  
lenniter de  
exilio pri-  
mo trium-  
phum.  
Gen. 3, 23.

hæc cūlpa attulit exilij pœnam, quā patimur pro-  
 les Eſæ. Immunis ab vtraque fit immaculata MA-  
 RIA, cui fores cœlestes patent, cūm assumitur in  
 cælum, v̄t triumphum victrix, agat. Assumitur in  
 paradifum voluptatis, vbi deliciis affluat. Assumit  
 eam columba diuini Spiritus sibi similem, similem  
 puritate, similem virginitate, quam prouocat se-  
 cant. 2, 15. cum ad volandum, cūm dicit: *Surge, amica mea, speciosa mea; & veni: columba mea in foraminibus petrae, in cauerna maceria, ostende mihi faciem tuam, sonet vox tua in auribus meis: vox enim tua dulcis, & facies tua decora.*

Clausæ portæ erant in ciuitate Bethulæ, clonca  
 Iuditha caput Holofernis abscinderet: abscidit, &  
 simul portas ciuitatis aperuit. Accidit hoc cœlesti  
 Ierūsalem, cuius ianuæ omnes obseratæ erant, do-  
 nec immaculata MARIA serpentem capite truncum  
 redderet, in cælum assumeretur, & eius portas refe-  
 raret. Factum puta, cūm in eius Assumptione Ec-  
 clesia canat, & plaudat: *Paradisi portæ per te nobis  
 apertæ sunt, quæ hodie gloriosa cum Angelis triumphat.*  
 Triumphat cum Angelis Dei MARIA, procedens  
 cum magna gloria, de qua Serm. 6. huius diei ab-  
 serit Augustinus: *Mulier puritate transcendit naturam  
 calorum, & quæ supra calos sunt. Hodie penetrat Sancta  
 sanctorum.*

*sanctorum.* Iô triumphæ, MARIA, cui fores celo-  
rum patent, & per quam nobis portæ paradisi aper-  
tæ sunt!

O gloriosa Virginum,  
Sublimis inter sidera,  
Qui te creavit paruulum,  
Lactante nutris ubere:

Quod Eva tristis abstulit,  
Tu reddis almo germine,  
Intrent ut astra flebiles,  
Celi recludis cardines.

ORA PRO NOBIS PECCATORIBVS, forma  
nostræ redemptionis & regenerationis, *honorificentia* Iudith 15,  
populi nostri. 10.

ADORATIO.

Spiritus est Deus: & eos, qui adorant eum, in *Ioan. 4, 24.*  
spiritu & veritate oportet adorare.

Venite adoremus, & procidamus ante Deum. *Psal. 94, 6.*

Nos autem populus eius,  
in similitudinem immaculatæ Assumptionis.

**R**egina cæli gloriosa, quæ virtute Spiritus san- *Anima per*  
cti in cælum euehitur, aperit & ostendit viam, *gratiâ sacri*  
*Baptismi*  
*de exilio*  
per *triumphat.*

per quam renati ex Spiritu sancto in caelestem requiem veniunt. Regrediuntur in paradysum, nec inveniunt Cherubinum, qui redeunt ab ingressu iam deterreat; Angelos potius obuios sibi inveniunt, sibi sumunt, in quorum manibus animas deferendas praesentandasque Deo tradant. Nihil est quod possis timere, Christiane, si post susceptionem Baptismi è viuis discedas, cum omnem periculum timorem, & securitatem omnem afferat definitio Concilij Tridentini sess. 5. *In renatis nihil odit Deus quia nihil est damnationis iis, qui verè consepulti sunt cum Christo per Baptisma in mortem: qui non secundum carnem ambulant, sed veterem hominem exuentes, & novum qui secundum Deum creatus est, induentes, innocentes, immaculati, puri, innoxij, & Deo dilecti effecti sunt, heredes quidem Dei, coheredes autem Christi, ita ut non prorsus eos ab ingressu caeli remoretur.* Haud dubie caeli tutum sacrum Lauacrum est, ut agens de Baptismo Basilus asseuerat. Hinc efficitur, ut quod Trimegistus de Vnitatis imagine dixit, cadat in effigiem MARIÆ, quæ una columba est; & in formam sacri Lauacri, quod unum Baptisma creditur. *Hac tibi pro viribus imago Dei subscripta sit: quam si diligenter consideraueris, oculisque internis prænoueris, eris mihi filia, ascensum ad excelsa comperies, quin etiam*

Cant. 6, 8.

Ephes. 4, 5.

ipsa te perducet. Non habet cur timeat anima, quæ innocens, immaculata, pura, innoxia, Deo dilecta, & ut vno verbo dicam, similis MARIÆ assumitur. Propter peccatum primi hominis, de paradiso eiectionis sumus, sed per gratiam Dei ad paradysum nos peruenire credimus. Hæc Bernardus de Modo benè viuendi, Serm. 3. Nihil hominem ab ingressu paradisi remouetur, cum fuerit baptizatus. Confirmat hoc ipsum Ambrosius in Psalm. 118. litt. 3. v. 1. *Est Baptismus in paradisi vestibulo, qui antè non erat; sed postquam peccator exclusus est, cæpit esse rhomphaea ignea, quam posuit Deus, quæ antea non erat. Culpa cæpit, & Baptismus cæpit, quo purificantur qui in paradysum redire cupiebant, ut regressi dicerent: Transiuimus per ignem & aquam.* Pf. 65, 12. Facile transit per ignem, qui sacra tingitur aqua: transitus iste mors est; & quæ sequitur Baptismum, tota Mariana est, cui & resurrectio debetur. Rursus Ambrosius lib. 2. de Sacramentis cap. 6. *Remedium datum est, ut homo moreretur & resurgeret. Quare? Ut illud quod antea damnationis loco cesserat, loco cederet beneficii. Quid illud est, nisi mors? Subiungit: Quid est aqua, nisi de terra? Satisfit ergo sententiæ celesti sine mortis stupore. Quod mergeris, soluitur sententia illa, Ter- Gen. 3, 20. ra es, & in terram ibis. Impeta sententia, locus est beneficio, remedioque celesti. Ergo aqua de terra, possibilitas*

T  
autem

autem *vita nostra non admittebat ut terra operiretur  
& de terra resurgeremus. Deinde non terra lauat, sed  
qua lauat: ideo fons quasi sepultura est.*

Ex hoc fit, ut renati ex Spiritu sancto, constanter  
in mortis agone, non ut criminis rei puniantur, sed  
ut Christiani milites excitentur ad pugnam, in qua  
cum morbo & morte pro gloria luctentur, & ipsam  
mortis auctorem more Christi & immaculatae MARIAE  
prosterant ac vincant. Huc pertinet quod  
ait Augustinus lib. de Symbolo: *Redditur novitas per  
Baptismum, vetustate decedente; deoneratur anima san-  
ctis peccatorum, ut libertate nova vita induta, adversus  
diabolum cum adiutorio divino valeat fortiter dimicare.*  
Dimicemus, ut regnemus, imitatores MARIAE  
in morte, sepultura, resurrectione, & Assumptione.  
Siquidem aqua tincti morimur, sepelimur, resurgimus,  
& in caelum assumimur. Baptismus enim est  
ianua per quam Ecclesiam ingredimur, & ab Eccle-  
sia transimus ad regnum, & ad paradysum regni  
dimur. Est ars non solum bene vivendi, sed etiam  
moriendi, secundum quam & MARIAE & animae  
Christiana in caelum evehuntur.



## ATTENTIO.

*Attende, & audi. Deut. 27, 9.*

Attende tibi, hoc est imagini quam à Christo accepisti. *S. Ambrosius lib. 3. de Viduis, p. 3.*

**P**rimus homo àe terra, terrenus: secundus homo de caelo, caelestis. Qualis terrenus, tales & terreni: & qualis caelestis, tales & caelestes. Igitur, sicut portauimus imaginem terreni, portemus & imaginem caelestis. Paulus 1. Corinth. 15, 47.

Dele imaginem terreni Adami, serua effigiem, quam renatus ex Spiritu sancto in te efformasti, & depinxisti: illa terrena erat, hæc caelestis & sublimis, quam secum Virgo in Ciuitatem Dei infert. Benè monet S. Ambrosius agens de secunda Interpellatione Dauid: *Si benè egerimus, manet in nobis ista imago caelestis: si malè quis agit, deletur in illo hæc imago, illius utique qui descendit de caelo; & est in eo imago terreni. vnde Apostolus dicit: Sicut portauimus imaginem illius terreni, portemus & imaginem caelestis. Bonorum ergo imagines perseverant, & in illa ciuitate resplendent. Benè agamus, vt præfatam imaginem introducamus. Portemus & imaginem caelestis hominis, interim corde, &*

moribus atque digna operatione, postea verò in resurrectione mortuorum. Hæc Anselmus.

Cùm prima viuens & moriens hæc omnia præfiterit immaculata MARIA, prima omnium Christianorum resurrexit, & imaginem Christi uiam in cælum induxit, & reduxit ad Deum, qui creauit in creatione: *Faciamus hominem ad imaginem & similitudinem nostram.* Rediit ad principium suum, unde & orta est, imago immaculatæ MARIE, sedeat & nostra innouata & restaurata virtute sacri Baptismatis, cuius effectum in Vigilia Resurrectionis declarat Oratio illa: *Deus incommutabilis & lumen æternum respice propitius ad totius Ecclesie tuæ mirabile sacramentum, & opus salutis humanæ, perpetuæ dispositionis effectum tranquillius operare: totus mundus experiatur & videat, deiecta erigi, inueterata renouari, & per ipsum redire omnia in integrum, à quo sumpsere principium.*

Impressa animæ figura immaculatæ  
MARIE.

**S**it in singulis renatis ex aqua & Spiritu sancto anima immaculatæ MARIE, ut magnificet Dominum, qui virtute sacri Baptismi ab exilio liberat

berat Eux filios. Sit in singulis spiritus Marianus, ut exultet in Deo intra adyta caelestia, vbi solemniter immaculatae Virginis nostrae triumphus de poena mortis vltima, quam inuexit prima culpa, absoluitur & perficitur. Absoluitur festo S. MARIAE AD NIVES, perficitur EUCCHARISTIA. Sacra Eucharistia est, in quam desinit sollemnis Christi triumphus, quem egit patiens, resurgens, & in caelum ascendens, de peccato, & eius poenis; & eiusdem sanctae Eucharistiae mysterio terminatur victoria Mariana atque Christiana, ac proinde victrix iam anima vocatur & inuitatur ad epulum & conuiuium triumphale, vt adyta Ecclesiae ingressus illud communicet atque participet.

Adyta & abdita Ecclesiae omnino caelestia sunt, quae Dauid Christianus, nitidus ac fulgidus candore niuium ingreditur, vt nuptiali veste indutus post susceptionem Baptismi, regali assistat conuiuio, conuiuia gloriosi Regis, socius immaculatae MARIAE. Huc pertinet quod ait S. Ambrosius cap. 7. de his qui mysteriis initiantur: *His abluta plebs diues insignibus, ad Christi contendit altare, dicens: Et introibo ad altare Dei, ad Deum qui laetificat iuuentutem meam. Depositis enim inueterati erroris exuviis, renouata in aquila iuuentutem, caeleste illud festinat adire conuiuium.* Et

quidem tinctus lustrali aqua Augustinus, festinus  
ad conuiuium venit, & intuenit sacras in Eucharistia  
nives. Exclamat ille lib. de Contemplat. Iesu Christi  
cap. 12. *O charitas Dei, mel dulce, & lac niuem! color  
es grandium, fac me crescere in te o dulcedo amoris, &  
amor dulcedinis! Comedat te venter meus, & neclare  
amoris repleantur viscera mea, vt eructet mens mea vo-  
bum bonum.*

NUNC, ET IN HORA MORTIS NOSTRAE  
AMEN.

Sit in Tabula cordis imago sanctæ, immortalis  
& gloriosæ MARIÆ AD NIVES de morte  
mortalitate triumphantis, exemplar nouæ creaturæ  
æternam sibi vitam acquirentis, & gloriosa immor-  
talitate fruētis.

Respice, & fac secundum exemplar noni Petri  
& triumpho Mariani.



atque  
Mina  
NIVES  
VII  
S



## IMAGO DECIMASEXTA.

## EXPLICATA.

**E**XILIVM & mortem intulit prima culpa: sub pœna capitis præceptum est, ne primus homo prohibitum fructum gustaret. *Præcepitque ei dicens: Ex omni ligno paradisi comede: de ligno autem scientiæ boni & mali ne comedas. In quocumque enim die comederis ex eo, morieris. Violavit ille mandatum, & violatorem Deus mortalitati simul & morti addixit, & dixit: Pulvis es, & in pulverem reuertèris. Cùm ad graue mortis supplicium damnati iam essent Adamus & Eua, fecit Dominus Deus Adæ & uxori eius tunicas pelliceas, & induit eos, vt vel habitu ipso monerentur, se ad locum mortis deduci: mortalis quippe vita certa via ad mortem est. Occurrit damnatis immaculata MARIA, occurrit cœlestis Regina, & nos omnes vitâ donat. Benè Epiphanius lib. 3. contra Hæreses: Sed & illud de his cogitare mirabile est, de Eua inquam & MARIA. Eua mortis causa facta est hominibus, per illam ingressa est mors in mundum; MARIA verò causa vitæ, per quam genita est nobis vita. Accedit & Damascenus: O Deo digna filia, primigena matris Eua*

V

COR-

*Prima creatura qua agit de morte & mortaliitate triumphum solennem in festo ad Nines, Maria est.*  
Gen. 2, 17.  
Gen. 3, 19.  
Gen. 3, 22.

correctio! Quamuis enim prima Eua à Dei mandato recesserit, & per illam aduersum primum parentem, serpentem operam nauantem, mors aditum inuenerit; MARIA tamen diuinæ voluntati obsecuta, deceptorem serpentem fraudem induxit, ac mundo immortalitatem inuexit.

Hanc immortalitatem suis niuibus niuea Spiritus sancti columba inclusa MARIA mysticè signat. Nix, teste Augustino Sermone de Transfiguratione candorem niueum habet, & calorem omnino non recipit sic electi, cum peruenerunt ad claritatem Dei, obtinent munditiæ candorem, & nullum sentient aliquando de terrenis corruptione calorem. Erunt similes intemperatae MARIAE, cuius niueus candor nullum sentit corruptionis calorem, nullum peccati æstum, virtutis diuinæ & niueæ Spiritus sancti columbæ. Niuea ipsa columba est, mater incorruptæ vitæ.

Vitam datam per Virginem,  
Gentes redemptæ plaudite.

Plaudite, & pete:

Virgo singularis,  
Inter omnes mitis,  
Nos culpis solutos,  
Mites fac & castos.

Vitam presta puram,  
Inter para tutum



nunc & in hora mortis nostræ, immaculata M A R I A,  
 forma nostræ regenerationis & candoris: tu gloria Ie- Iudith 15.  
 rusalem, tu latitia Israël, tu honorificentia populi nostri. 10.

## A D O R A T I O.

Spiritus est Deus: & eos, qui adorant eum, in Iohan. 4, 24.  
 spiritu & veritate oportet adorare.

Venite adoremus, & procidamus ante Deum. Pl. 94, 6.

Nos autem populus eius,  
 in similitudinem gloriosæ & immortalis  
 S. MARIÆ AD NIVES.

Q Vi sumus candidati æternitatis, sacro Bapti- Anima ve-  
 smo dealbati, prouoluamur ad pedes Regis & nata ex  
 Regina cælorum, more Regum & Pastorum, qui spiritu  
 cum essent populi Christiani primores, inuenerunt sancto, de  
 puerum cum M A R I A matre eius, & procidentes adora- morte &  
 uerunt eum. Cum Regibus & Pastoribus vnus & idem mortalita-  
 populus sumus: sequamur & nos, & similem cultum te trium-  
 exhibentes, procidamus ante Deum & purissimam phat.  
 M A R I A M, induti puro, candido & niueo habitu,  
 quem in Baptismo suscepimus. Occurrit Christiano  
 Dauidi, vitæ æternæ candidato, S. Cyrillus lib. 1. in  
 Genes. prope finem: Sicut primi hominis imago impres-  
 sionem

sione in nobis fecit, adeo ut omnino nos mori oportet corruptionisque laqueo capi; ita post eum secundum nostrum principium, id est Christus, & ad eum per Spiritum similitudo, immortalitatem nobis imprimit. Occurrit quoque S. Ambrosius libro de Iis qui mysteriis in-  
 tiantur, cap. 7. Accepisti post hæc vestimenta candida, quod esset indicium, quod exueris inuolucrum peccatorum, & indueris innocentie castæ velamina, de quibus dicit Prophe-

Pl. 50, 9. ta: Asperges me Domine hyssopo, & mundabor; lauabis me, & super niuem dealbabor. Vnde & per Isaiam

Isai. 1, 19. minus ait: Si fuerint peccata vestra sicut phemicum, & niuem dealbabo. Hæc vestimenta habens Ecclesia per

Cant. 8, 3. uacrum regenerationis assumpta, dicit in Cantico Nigra sum, & decora, filia Ierusalem. Nigra per fragilitatem conditionis humanæ, decora per gratiam: nigra, quia ex peccatoribus; decora, fidei Sacramento. Hæc vestimenta uenientes filie Ierusalem, stupefactæ dicunt: Quæ est hæc quæ ascendit dealbata? Hæc erat nigra, unde nunc ascendit dealbata?

Afferit secum niues niuea sancti Spiritus columba, quæ à Patre Filioque procedit ac mittitur, ut in regeneratione fungatur. Functus est legatione sua, cum lucis æternæ candorem ex niuea Virgine protulit, & illum ipsum per candorem Baptismi in anima generat, legati munus exercens. Vnde & dicere

cet, quod dixit in Prouerbiis Salomon: *Sicut frigus* Prou. 25.  
*niuis in die messis, ita legatus fidelis ei, qui misit eum, a-*<sup>13.</sup>  
*nimam ipsius requiescere facit.* Canat igitur Ecclesia,  
 renata ex Spiritu sancto, de diuina ista columba:  
*Consolator optime, dulcis hospes anime, dulce refrigerium.*  
*In labore requies, in aestu temperies.* Canat sibi & tibi  
 Dauid: *Per diem sol non uret te, neque luna per noctem.* Ps. 129. 6.  
*Dominus custodit te ab omni malo, custodiat animam*  
*tuam Dominus. Dominus custodiat introitum tuum, &*  
*exitum tuum, ex hoc nunc, & usque in seculum.*  
 NUNC, ET IN HORA MORTIS NOSTRAE.  
 AMEN.

## ATTENTIO.

*Attende, & audi.* Deut. 27, 9.

Attende tibi, hoc est imagini quam à Christo accepisti. *S. Ambrosius lib. 3. de Viduis, p. 3.*

**P**rimus homo de terra, terrenus: secundus homo de  
 celo, caelestis. *Qualis terrenus, tales & terreni: &*  
*qualis caelestis, tales & caelestes.* Igitur, sicut portauimus  
 imaginem terreni, portemus & imaginem caelestis. Paulus  
 1. Corinth. 15, 47.

Accepisti sacram eius imaginem, qui splendidus

V 3 ac

Mat. 17, 2. ac niueus in monte sancto comparuit. Resplenduit  
 facies eius sicut sol, vestimenta autem eius facta sunt alba  
 sicut nix. Resplenduit, qui nos illuminat in sacro  
 Baptismatis fonte: refulsit niuibus, qui nos virtutum  
 lauacri caelestis niueos & candidos reddit ad sui exem-  
 plar, & ad exemplar Matris immaculatae MARI-  
 RIÆ, quæ & à niuibus nomen habet. Cùm Christus  
 Petrum, Iacobum & Ioannem assumptis  
 transfiguratus est ante eos, vt discerent qualis esset bo-  
 minis caelestis imago, & illam in se ipsis efformar-  
 ent, efformandamque in ceteris Christianis con-  
 rent. Quod summi beneficii loco habentes, proce-  
 derunt in faciem suam. Audiendus Ambrosius libro  
 de Spiritu sancto, cap. 12. Nempe hanc claritatem re-  
 derunt Apostoli, & in faciem prociderunt. Putasse  
 vel cùm prociderunt adorasse, cùm fulgorem diuini lami-  
 nis corporalibus oculis continere non possent, & splendor  
 lucis aeternæ aciem visus mortalis obduceret? Aut quid  
 aliud dixerunt illi videntes gloriam eius, nisi, Venite ad-  
 remus, & procidamus ante Deum. Nos autem populus  
 eius, & oues pascuæ eius.

Idem Sermon. 14. in Psalm. 118. Bona pascua diuina  
 sacramenta sunt. Carpis illic nouum florem, qui bonum odorem  
 dedit resurrectionis. Carpis lilium, in quo sit splendor eter-  
 nitatis. Carpis rosam, hoc est Domini Corporis sanguinem  
 Sancti

Sanctus Augustinus Tract. 4. ac Feria 6. *Tu anima Christiana, quæ ascensura es ex sacro fonte, rubore atque odore perfusa, nimis speciosa & nimis candida, serua decorem tuum. Agnosce quid fueris, & quid eris. Vide ne deseras mensam sponsi tui. Ut pulchra permaneas, carnem eius quotidie manducabis: ut vitam æternam habeas, Sanguinem eius potabis. Vide ne deseras hanc mensam.* Prædidit Deus pro terreno Adamo de Christo, pro serpente de columba, pro Eua de immaculata MARIÀ, pro fructu arboris de EYCHARISTIA, quam intra auream Spiritus sancti columbam nostri maiores incluserunt. Quærit itaque Augustinus lib. de Agone Christiano cap. 22. *Quare ergo Spiritus sanctus non est natus de columba, quemadmodum Christus de femina? Illa causa est, quia in columba liberare non venerat Spiritus sanctus, sed hominibus significare innocentiam & amorem spirituale, quod in columba specie visibiliter figuratum est. Christus autem qui venerat ad homines liberandos, in quibus mares & feminae pertinent ad salutem, nec mares fastidiuit, quia marem suscepit; nec feminas, quia de femina natus est.*

Cum igitur columba Spiritus sancti index innocentia fuerit hætenus in MARIÀ, eadem ipsa index est amoris in Eucharistia, quam Christus instituens, cum dilexisset suos qui erant in mundo, in finem Ioan. 13, 2. dilexit

dilexit eos. Tanti huius mysterij rationem reddit  
 tis appositam & pulchram S. Cyrillus Alexandrinus  
 lib. II. in Ioan. cap. 26. Sicut virtus sacratissima Christi  
 carnis, Unum corpus facit participantes, eodem arbitrio  
 pacto, in quibus inuisibilis Dei Spiritus habitavit, eos om-  
 nes ad unitatem spiritalem conducit. Ideo Paulus

Epl. I. 3. scribit: Supportantes inuicem in charitate, solliciti ser-  
 re unitatem Spiritus in vinculo pacis. Vnum corpus  
 vnus Spiritus, sicut & vocati estis, in vna spe vocati  
 vestra. Unus Dominus, vna fides, vnum Baptisma,  
 Deus, & Pater omnium, qui super omnes & per omnia  
 & in omnibus nobis. Cum enim vnus in nobis habitat Spi-  
 ritus, vnus verus & Pater omnium per Filium suum  
 nobis habitat, ad inuicem, & secum sui participes spiri-  
 tuum vnians. Quod autem Spiritui sancto sic vniamur, etiam  
 hac ratione modo quodam percipitur. Nam si animalium  
 tam contempsimus, & legi nos spiritali subiecimus, nos  
 Dominum in omnibus Spiritum facientes, perspicuum  
 ad aliam quasi naturam nos transformari, cum vnus  
 animacitatis nostrae modum fugientes, conformationem  
 bitantis in nobis Spiritus mirabilem susceperimus, non  
 lum homines, verum etiam Dei filij, caelestesque homines  
 participatione diuinae naturae vnum effecti. Ergo in Patre  
 Filio, & Spiritu omnes sursum, vnum. Vnum autem  
 habitudine atque affectu, vt incipientes dicebamus, vnus

pietatis consensu, vnum sancta Christi carnis communi-  
one, vnum sancti Spiritus participatione.

Prima omnium cum esset in paradiso, commu-  
nicauit immaculata MARIA, & quidem sola; so-  
la enim ieiuna à prohibito cibo deprehensa est: ve-  
nit Christus in mundum, induxit Baptismum, &  
inuexit simul ieiunium, vnde & Ecclesia vtrumque  
in solemnibus suis precibus iungit: *Per Baptismum  
& sanctum ieiunium tuum.* Induxit Baptismum, cu-  
ius virtute macula hereditaria tolleretur; intulit &  
ieiunium, cuius preparatione anima ad sumendam  
Communionem aptaretur. Quale autem hoc debeat  
esse ieiunium, quod Baptismus secum ducit, decla-  
rat S. Augustinus Serm. 172. de Tempore: *Ieiunia  
Christianorum spiritualiter, priusquam carnaliter, exer-  
cenda sunt: vnde à peccatis principaliter ieiunemus.* Hoc  
est primum & principale ieiunium immaculatae  
MARIAE, Christianique Davidis, accedentis ad  
EVCHARISTIAM, cuius vox & assertio supplex  
esto: *Et ero immaculatus cum ed, & obseruabo me ab ini-* PG. 1. 24.  
*quitate mea.*

Impressa animæ figura immaculatæ  
MARIÆ.

**S**It in singulis MARIÆ anima tæta pura & immaculata, sit in singulis spiritus Marianus, & fulgidus vitæ cælestis candor vlla labe & lue in posterum inficiatur, sed ab omni potius illæsus iniquitate, nitescat & effulgeat candidatus æternitatis, quam acquirat & possideat. Hæc est perfectior victoria cælestis & gloriosa, Mariana & Christiana, hæc triumphus.

Oratio Ecclesiæ.

**P**resta, quæsumus omnipotens Deus, vt claritatis tuæ super nos splendor effulgeat, & lux tuæ lucis coram eorum, qui per gratiam tuam renati sunt, sancti Spiritus illustratione confirmet. Amen.

Gratiarum actio, ex sancto Leone, Homilia  
de Natiuitate.

**A**gamus ergo, dilectissimi, gratias Deo Patri per Filium eius in Spiritu sancto, qui propter multam claritatem suam, qua dilexit nos, misertus est nostri: & cum essemus mortui peccatis, conuincit nos Christo, vt essemus in ipso noua creatura, nouumque figmentum. Depe  
nanti



namus ergo veterem hominem cum actibus suis; & adepti participationem generationis Christi, carnis renuntiemus operibus. Agnosce ô Christiane dignitatem tuam: & diuina consors factus naturæ, noli in veterem vilitatem degeneri conuersatione redire.

Hæc quoque gratiarum actio debetur immaculatae MARIÆ, de qua Cant. 6, 8. scriptum est: *Vna est columba mea, perfecta mea, una est matris suæ, electa genitrici suæ.* Hac sacrosancta columba Deus est usus, vt nos caperet & traheret in lumen sacri Baptismi, in sui potestatem & regnum. *Ar's quædam est aucupandi columbas,* vt ait Basilius Epist. 175. *videlicet talis: Ubi unam ceperunt qui capiendis his student, cicurem illam reddunt, & ad humanum conuictum assuefaciunt: deinde unguento alas illius perungunt, sinuntque coniungi agrestibus. Illa verò per unguenti fragrantiam agrestem illum ac liberum pastus gregem, ad potestatem transfert eius, cuius ipsa est domestica. Benè olentes namque sequuntur & reliquæ, atque ita in potestatem columbarij veniunt. Prima columba capta, prima vncta Spiritu sancto, prima Christiana proles, MARIA immaculata est, quæ ceteras alias traxit, & in potestatem Dei transfudit.*

*Trabe me post te, curremus in odorem unguentorum* Cant. 1, 3.